

富平縣志

函一
十册
函

富平縣志稿卷二

建置

郡縣有建置體視古之侯國若城池衙署學校宮室庠序之屬雖小邑亦必備焉今益以壇廟陵墓鄉甲砦堡志其年歲興廢之由亦春秋興作必書之例懼非時役民也上古迄明凡工作必以力役爲徵調我

朝計畝攤丁民間不任其役雖興大工役召匠徒一如民間按日給傭值不苛不擾小民晏然於里廬棲息隴畝而不知斯誠古今之善策也

城池

設官所以衛民也城池所以作邑衛官也邑之建置莫大於城池若無城無池官無所守也無所守何以爲邑耶今縣大夫古諸侯之制也畫疆分界坊以總城之內里以總城之外交易於內曰市交易於外曰鎮關津郵舍警候皆賴邑邑賴官富平舊城廢已久有明就窰橋寨爲縣治疊經寇擾而城固巍然雖地踞險要迨亦邑之紳民齊心力一守禦俾保無虞亦可睹眾志之效矣

衙署

邑統於官官不能露處也必設署以居之設堂皇以聽訟設倉庫以儲錢糧設科房以綜文卷設班役以便使衛尊

崇之使別於齊民也學校丞尉武職各司其事亦各有衙署因地以爲治也不曠其職亦不侵厥官矣

學校

書院義學附

元立儒學之官沿之至今殆以別於諸雜科又設學院學道學官以教之專名爲學以定一之實所以崇儒士而尊聖道也惟秀才爲出身之階恭讀

欽定臥碑董戒綦嚴偶或不守斥責隨之青青子衿當亦深省焉又窮民不能爲子弟延師官爲設義塾使童子皆得向學寒士讀書較難故又設立書院擇邑中學望宿優者訓迪之每月官課師課獎資膏火亦可補其不足云

倉廩

古法耕三餘一以備菑荒法至善也然藏於民者不可必
乃建屋以儲之藏於官此倉廩之所由建也光緒三年旱
魃爲虐社倉常平給散一空後陝撫馮復令民間捐立義
倉就地勸辦積穀紳民分理官總其成富平五倉分設各
鄉鎮隨時更易亦足食良計也

壇廟

粵稽上古唐虞之世五載一巡狩柴望秩于山川爲壇爲
廟不可得而攷矣後世禮嚴廟饗守土官各有封內之祭
載在祀典學宮城隍社稷壇壝百神率職莫敢或廢焉

祠祀

功德在民死應饗祀精靈顯赫亘古常存昔蔣子文秣陵一尉耳因逐賊傷死民爲立祠諸葛武侯爲蜀相歿後民間因地爲祭遺愛之在人深且久也日星河嶽其蹟不可泯沒而春秋之報賽蒸嘗不替謳歌鼓舞誠有以哉

寺觀

祀典而外古寺爲多律以陸氏靈壽志例法宜屏汰若夫鄉聚叢祠浮屠老子之宮不妨畱爲古蹟有如南朝四百八十久成烟雨樓臺劫灰所經任其廢興至於民誠所寄難概從芟名蹟所關登諸仍舊俾懷古清游覽物起興或

爲段氏塔氏之題或作楊氏伽藍之記詳哉言之豈第志
勝因哉

陵墓

漢置守陵戶若干所以崇德報功也命官致祭歷代相沿
載在令典帝王之陵無論矣卽一鄉之賢士大夫生爲閭
里所景仰則於法亦必書其葬地庶不使碩士偉人泯沒
於九原也

橋梁

東南澤國城垣市鎮多通河道舟船來往較便富民多好
行其德隨處造設橋梁此俗之最善者也關中八水環繞

而渭河南北行人如織僅設官渡二三間有阻隔則數日不得渡富平石溫二水橋梁甚稀秋冬褰裳者多病涉焉昔創爲梁乃心利濟者於法固宜書矣

鄉甲堡寨

堅壁清野爲今日之大計安民居絕賊糧野無可掠民志自堅鄉里有堡寨百姓自相保聚扼險據要積穀屯丁有牽制之形無逃亡之慮此不戰而屈人之上計也至守逸攻勞籌費聯結擒伏截擊斯又在用法何如耳西北土厚而堅可興版築之利自昔鄉居多築城堡垣墉雉堞關門隍隍儼然金湯之固閒有用塼石修建與治城相若者民

實之界三卷之二
情習於久安年深頹敗恆多棄置不講同治之初髮捻由
南山竄出而回匪因之肆虐於是蹂躪村莊幾遍鄉民率
逃入縣城羣居稠雜食息維艱饑寒迫切死亡相繼凡有
堡寨之村閒能保守無恙者可知矣紳民中有一二豪傑
之士築山守險實利賴焉旋經各大府飭設堡寨總局分
檄各郡邑舉辦并委員勘驗工竣奏獎於是民間痛定思
痛踴躍從事百堵皆興矣

建置志

命吏守土城郭藩籬堂階崇峻俾別黔黎庠序育才
儲蓄備養食足守固分運指掌宗伯祠祀以修報祈
鄉甲堡寨興替因時壇壝陵墓年標歲紀攷古無訛
斯志建置

城池

縣城當全境西南右連城堡左竇村本窰橋寨元末張良弼
據之明初徐達經略關中相地卽定爲縣治然僅有土垣繚
之無城池正統初知縣高應舉始就高阜築土爲城四周壁
削僅三里高三丈關門葺牆合池堞計五丈餘宏治閒知縣

陳潤始建四門嘉靖中巡撫謝蘭增築敵臺知縣胡志夔砌以甃乙卯地震城圯知縣趙桐繕之知縣崔舉葺四門知縣史燦竟其工名其東曰華翔西曰荆踞南曰石磐北曰帶溫知縣劉兌始創東郭更名盤門引玉帶渠水南入隍中

本朝康熙元年知縣鄭崑璧修築五十二年知縣楊勤改建南門更名啟運乾隆十八年知縣李世詳請動帑重修二十年霖雨復坍塌數處知縣興詳明補葺嘉慶十二年圯

二十餘丈知縣劉用霖謝長清先後繼修之門樓一新知縣

鄭崑璧修時邑人曹中書玉珂代記之

略云順治庚子秋余分符是土壬寅八月

霪雨如注旬有六日會省郡邑及邨堡民舍盡圯而是城沒於隍若干丈余灼於衷不欲徵役百姓先捐俸若干兩紳衿

天子聖主

輸貲隨其力民之尙義者咸以貲助於是鳩工肇於壬寅九月迄於癸卯四月工竣取甄於陶取灰於石雉堞櫓樓咸增其飾余巡而睇之仰而嘆曰昔讀書見孔子稱季路之宰蒲曰忠信而寬子貢問之孔子答以牆堞完固又見宋天使稱萍鄉張令以爲城郭修葺張忠定遂薦於朝心每易之以爲一睥睨完好耳奚足煩聖人之美與賢臣之薦耶今令是土爲是事始知古人之不可及而初之易焉者之非也是時軫念殘黎靳其勞役各上臺興作自任不欲毗肆余仰體大臣之意競競然敢自曰頻陽之城以頻陽之力爲之耶惟是分所當爲者竭力以爲罔限于期罔計其艱乃賴紳衿諸民之勇於義輸厥貲揀然罔然余朝夕躬督勵勤懲怠口諭身勸以一日而集數日之工不數月遂以告竣

衙署

縣署明洪武三年主簿陳忠信擇城中最高處刵建縣廨天順中知縣王傑新之成化十八年知縣郭鎔建吏舍刵後堂三楹知縣張本增五楹嘉靖乙卯地震圯知縣張桐建親民

堂五楹右爲庫捲棚儀門各三楹隆慶中知縣史燦建堂左

翼室暨宣化坊萬厯中知縣楊守川建堂右翼室暨戒石亭

知縣劉兌建二堂三堂四堂劉自記之云余不佞碌碌於世無當也自萬厯庚

辰隨牒入關季夏二日始抵富平入其境見民恹恹然若不

理生者余因詢田父告之故則以差役且且產單民屏將棄

其業四流余憐焉思思一日安集之而後朝食矣不敢輕舉

一役也及入邑見百凡荒陋大門藁藁培塿出地上則故爲

鐘樓自地震圯矣由門而入見衙宇盡壞家人晝夜戒嚴皇皇

時當秋夏交雨淫淫蟬數日屋宇繼告病矣余益憐焉思欲

然計爲木撐席覆嗣是而妻孥相繼告病矣余益憐焉思欲
不修理幾不可一朝居欲即爲修理余當筮仕日上下屬耳
目一輕舉而上以消功單賄恐喝而下適適然驚余雅志安
集其謂之何因猶豫不能自決也選閒自思曰當考往哲言
天下事有必不可一日因者更之遂檢笥中七十二金易木石
不可一日因者更之遂檢笥中七十二金易木石
草圖練召匠計凝土度木其徒庸則取之在官有事則猶然
供故役無事則令役工每一役輸力大率以五日計諸役完

而工就緒矣是役也不廢一官金不役一民力經營手季夏
中旬落成于孟冬初旬前修大門三楹左右壁俱甌石包砌
由親民堂退修思政堂五楹前有門垣東有夾室由思政堂
退修寢室三楹東西室各二楹又後移前鐘樓故土址砌甌
樓三楹其高與親民堂等左右轉角各五楹樓之後隙地一
區可蒔花竹故有小樓一楹少爲粉飾亦足供玩大都前後
所修不能効他郡邑宏麗雄偉然樸質渾堅似可垂久者余
之爲此舉也堪輿家謂親民堂以後地勢最下退食自公若
投井然自內親事若躡山然前昂後低宅勢坐虛垂二百年
來縣令未見遷陟者故職此余第以室家不蔽風雨弗得一
夕安枕且不敢以傳舍視便苟安是以不能相安無事役黜
陟自其官致之堪輿言妄矣弗信也不則署舍而可仍也余
豈敢爲遷秩故僕僕爲哉工完縉紳人士請紀其事余惴焉
益患因謂興作重事古人恆再討慎也余志在安集百姓不
欲興事爲百姓紛紜今因所值否余盲然舉焉其以輕舉罪
我者余尙不知何說之解顧欲示今傳後何令嗶嗶我者無
窮也縉紳人士復固請曰公何自抑若此耶今時之弊民安
於偷惰治憚於更張法病於拘攣吏嫌於操切邑務廢弛其
閒有奮臂興者則請官帑金役閭閻力百姓騷然煩費矣公
此舉金出自筭中力取諸官役數十年陋制一旦煥然百姓

安集不知也公宜勒石以示後之興事者余猶惴焉思不能拂其情是為序

本朝康熙五十二年知縣楊勤建五堂乾隆間興泰蘓燕崔龍

見吳六鰲張星文道光閒崔虞齡張其翰次第修葺

縣丞署舊在縣署東明萬曆十年縣丞高希古建知縣劉兌

有記云

夫建置之役亦艱矣哉矧邑丞之有是舉也艱且甚何也邑兆民庶務專一令其注措改張由已悉獨邑

丞有所施又不能忘所制有所動又不能亡所牽此以知艱且甚已富平當國初時設丞二一典馬一典賦其公署二旁

令署昭廟間汰丞一取兩署合之顧其地傾以陷制亦狹以

小自芮君弼逮朱君道深垂二百年歷四十七賢豪亡一易

者泊莊廟起並丞一又汰焉絲是門亡一入室亡一寓而壁

宇圯墟者越年所已今皇帝十年兩臺疏覆舊尋報可乃
開補卽高丞云未下車請地于邑令劉鍾所氏卜原址西廠
之以延計廿度而近以哀計什度而遙下車出所携數十金
一棟一甌一礎一石悉手置問經始則二月之朔問落成則
五月之望其為制也大門二門各一楹大廳三楹左右序各

三楹正寢三楹左右夾室各三楹如月臺如踊道如內外樹
靡一不具壯哉斯役駢疇之力耶故入其門聳乎廓如也君
子曰可以觀矣造其廳巍巍乎邃如也君子曰可以聽矣適
其寢美乎奐如也君子曰可以居矣睹其序若室周乎茂如
也君子曰可以衛矣詩曰蔽芾甘棠勿剪勿伐召伯所芟其
爲今也芟者始爲後也棠人之歌者詎一日已耶夫士也出
而仕冀而榮也顧遺而艱卒不苦于艱非厚養雄抱視公署
如私家者獨克濟乎哉左右置石請記以傳永永故余得備
述始末如此志艱也高丞名希古字子進別號鳳岡晉
河東簡城人由例進士初簿扶風是丞也蓋繼仕云

崇禎

十六年知縣崔允升修

本朝康熙十年知縣鄒曰仁重修乾隆十二年縣丞郭佶奉部
文移駐美原鎮建衙署大門二門大堂二堂內宅一十一間
又書辦皂隸房六間三十三年縣丞錢文煌重修四十一年
縣丞秦恭復葺道光間李世欽重修同治燬於狃逆

宣之縣志卷之二
典史署在舊丞署新察院東康熙十七年知縣郭傳芳重修
乾隆三十二年裘肇業劉傳藜嘉慶間余榮陸長恩皆興修
教諭署在明倫堂東康熙五十二年知縣楊勤重修

訓導署在明倫堂西均洪武三年主簿陳忠信建萬厯中邑
鴻臚序班李盡心重修乾隆閒訓導王宰教諭文豐岐訓導
李爲綱道光二十五年薛得彬各續修

城守營卽明按察司行署也基在縣署東舊本都司署道光
元年改設千總咸豐五年千總楊翰同治七年楊春八年蕭
遇海重修行臺在縣署東舊縣丞署知縣李世垣改建共二
十二楹今均頽廢

譙樓在縣署東南明鴻寺序班李盡心修乾隆二十六年知縣興泰重修

申明亭在譙樓北內上諭牌一座旌善懲惡二坊乾隆十八年知縣李世垣捐修

附舊署廨主簿署在縣署西職裁署廢申明亭在縣門左旌善亭在縣門右舊倉廩官倉在縣內後堂西預備倉在治東學倉在明倫堂後北察院在縣署北布政司在縣東門內西安府在縣南街東之北美原巡司在縣東北六十里官桑園在縣西南隅稅課局在宣化坊縣門南街社學在新城陰陽學在縣署東醫學在縣署東僧會司在縣署

東南道會司在縣署西

按喬志廢署廨地址多無可攷然其名斯存其制可想也
況申明旌善二亭在

國家垂爲令典尤存董戒之意宰方舉鄉約敦教化可聽其名與實湮乎有其舉之莫敢廢也勿咤其迂矣

三班公所從前管押民匪並在一處待質良民一經入廳受惡匪蠹役之害不可勝記咸豐九年知縣江開淮給邑

紳蘭玉堂等倡修三班外所管押分別民匪至十年閣邑

紳士糧正公議設立條規勒石如左

一分別案情以定限制也新建之房潔淨

光明原以恤良民之待質者除所犯軍徒流罪另行辦理外所有錢糧租稅婚媾田土帳債細故並待質追賠等情

不能隨時結案者卽在外房看管其刀匪竊賊等類不得
攙入一設立簿冊以課責成也被押之人當責成糧正專
管簿冊遇外所押一人卽書名冊簿存局每晚糧正同署
內收風之人進房照冊查點並留心稽查倘有胥役人等
恐嚇勒索凌辱等弊卽稟案若糧正漫不關心一經查出
卽將值日之糧正究治以示懲儆一窗櫺廠開以洩穢氣
也所有在班房中者皆係案情拖累其心本自憂憤鬱結
兼之夏月暑氣薰蒸必至生疾是以安設大窗堅豎鐵齒
以防縱逸厥其窗櫺以昭體恤一刷貼各里以廣曉諭也
立碑之後廣爲刷印散給各里糧正並城約紳衿處日久
如有字跡損壞石碑傾塌其各里糧正
同請紳衿照舊另刻立石以垂久遠

里民局在遠映門前值日糧正上下班公寓光緒元年置前
門房後樓房各三間兩厦房各五間半中抱厦一間

總理局在西街馬家巷內值日糧正辦公所同治十二年閣

里重修

公館乃知縣李世垣改建者共二十二楹道光二十三年知縣張其翰重修門北向餘前明各行署均久廢

考院道光七年知縣陳堯書卽舊富豐倉址創建共東西號舍三十二楹費六千餘金邑人劉玉琦暨子鏗鉞先後輸貲過半焉同治元年西楹圯閱十年知縣宋焮燧東楹之半以補之

鄉試會館乃嘉慶初邑人楊黻李逢祥崔應梧等捐修者在省城西大街之北後抵貢院街東口

京師會館舊凡四處僅存臧家橋北玉皇廟左右二館破屋數間而已

演武場舊在城南前明知縣劉兌移北郭高地計廣三十六畝今仍之

養濟院在南街之東城隅舊房九間雍正十三年知縣喬履信倍之嘉慶二十一年知縣裘文祿重修

漏澤園在城西南里許明知縣劉兌計地十一畝

國朝乾隆十八年知縣李世垣別於附郭北原置地五畝餘勒石道旁光緒三年知縣趙嘉肇增置地四段計二十一畝五分其鄉鎮之由民置者不預焉

倉廩

倉自明初知縣張得先首建招福平皋潁陽永潤四鄉倉又

有官倉預備倉在縣署旁學倉在學署後正統知縣高應舉徙於寶村故興國寺址後皆廢萬厯間知縣劉兌於連城創社倉

國朝改建

常平倉五所於治城內南曰富有北曰富新富備東南曰富豐富厚共厰二十有三額儲京斗穀五萬石內撥府倉京斗穀四千石厯年開支動缺三千四百四十九石有奇後以穀二麥一半易之迨道光三十年豁免以前民欠麥折穀七千七百七石并欠穀三千八十六石各有奇咸豐二年尙實存京斗麥一萬四千九百四十九石穀九千八百五十七石各

有奇倉廩自傾圮改建外尙存三處後歷年開支及同治元
二年軍需動用至十一年知縣宋焮修補富有倉廩四座二
十楹收儲餘積光緒二年知縣周曜東補廩一座三楹并勸
捐義倉京斗麥六千三百餘石迨三四年大祲知縣趙嘉肇
歸入賑濟無存

社倉凡十一處在連城曰富有竇村曰富厚莊襄鎮富興都
村鎮富盛畱古鎮富豐薛家鎮富足美原東城富盈西城富
餘流曲鎮富備到賢鎮富充施家鎮富裕設倉正倉副二十
二人經理原儲京斗本穀一萬一千六百五十餘石積年虧
短自乾隆六十年豁免後至道光三十年所存麥穀折麥五

百九十餘石旋提歸常平倉內後各倉厥均廢圯麥與常平同盡近方興義倉焉光緒六年知縣俞志敬就署北富新倉址修厥五楹勸捐京斗麥六千三百餘石與富有倉及美原莊裏鎮商鋪分儲七年間始於富新倉益七楹名保泰厥莊裏鎮社倉故址建五楹名豐亨厥畱古鎮建三楹名持盈厥美原鎮構五楹名豫大厥勸捐京斗麥三千一百餘石并前捐分儲更以建厥餘貲發商取息備歲修及倉夫工食選倉正副經理官司稽查爲經久計

學校

書院
義學

學在前明時里社有之嘉靖中知縣劉希簡於今連城建新

城書院久廢

國朝乾隆三年知縣喬履信始於縣城東南里許善良原麓豐

泉之澳建

南湖書院基廣四畝七分前餘地一畝六分共爲堂齋十八

楹有自記

略曰濂溪云師道立則善人多昔橫渠張子講學

昆弟人文蔚起與濂洛閩齊名前明時馮少墟設立關中書院韓苑洛呂涇野諸公先後繼武咸以振興文教昌明正學爲己任故關學之傳於斯爲盛蓋天下不患無人材特患教之無其人課之無其地以致德弗成而業弗精也方今各大吏仰承 聖天子隆師重道作人造士之心於各省創立書院禮聘文行兼優之儒爲師以儲異日鹽梅霖雨舟楫之用履信承乏頻陽令闔邑士子於庠序外無訓課之地可乎因捐廉創立度地於城之東南里許爰有邑貢生趙有徽太學寶希韓文學楊元助者民劉爾瑛裒然首舉黨孔見揚之璣楊玉寶爾瑞各以地輸鳩工庇材度堂以筵度室以九成

講堂廳室齋舍若干楹門北向其前固豐泉也波光激豔魚
鳥親人地當城南因顏曰南湖書院筮日率諸生祀先師
行釋奠禮俾朝夕肄業其中自愧簿書鞅掌於師事無能為
役然關中素號多賢必有若橫渠少墟諸公者當與諸生以
禮聘之尤願諸生聞蘇呂之風而興起進德修業以期為天
地立心為萬物立命為聖賢繼絕學則異日之鹽梅霖雨舟
楫又豈異人任哉此基之矣
乾隆十七年知縣李世垣詳撥河灘及捐買

地二頃八十畝有奇并前邑人楊玉捐地五十畝取租三十
九年知縣崔龍見詳撥元陵定陵餘地一十二頃有奇募金

六百并前令蘇燕捐二百五十金生息有增設修金膏火記

記云書院之設所以廣庠序而育人材也我
詔諭飭天下慎選師儒大府以下加意整頓直省郡邑苟非
痺貧薄陋之甚者莫不創建修葺與鬻舍并行焉文治之隆
於斯為至余以甲午春承乏茲邑舊有南湖書院創自前
令西毫喬君後來者藉為課士基又得廣川李君益葺其事
故當二君時成就頗多第初建日詳撥河灘及捐買地除糧

賦歲得租銀三十二兩有奇僅供院長膳修生徒不給膏火
遠鄉寒素之士就學維艱余惟關中理學名區茲邑則張李
楊孫四先生後流風餘韻相望百年長育振興固守士者之
責也況喬李二君舊勞斯在莫之為後雖盛弗傳因募捐銀
六百兩並前令蘇君募捐銀二百五十兩詳請給付邑之商
民歲收薄息可給百金又詳撥元陵地十一頃三十三畝零
分別三則取租歲入租銀七十四兩有奇連前歲得銀二百
餘兩師生修膳膏火官課優等獎勵之需以及司執爨勦聖
苦葺諸費粗取足焉付老成直者經理之敦請孝廉管轄
山先生主講席一時橫經負笈于而來者視前有加余且
樂於政事之暇與諸生揖讓講貫於其中諸生勿以一得而
矜勿以偶蹟而挫目浸月漬底於有成將必有偶儻非常之
才出而應王國羽儀之選余亦得藉以仰承 聖天子崇
儒重道與各大憲化民養士之盛心而後之人鑒於前功將
益大其規模以至於久而弗替也喬君故有碑年久就仆起
而贅之李君無畱跡意者躬教化之實不必有其名耶是為
記

延請武進管世銘主講其畱別諸生詩云
城南頻揖魯諸

上行跋馬到門先一笑杏花風外讀書聲
嘉棠梨含蕊牡丹芽不知身手何人健
添種靈和殿裏花

半規破硯三錢筆屣履爭趨月旦門早識交深滋別淚不輕
肝膽向人論○敢擬傳衣付後塵一編初不闕時新烏皮几
畔如相憶披卷依然對故人○一代孫楊有大名關中豪傑
李天生榆粉未必無耆舊莫舍家雞事遠征○西亳喬公遺
愛畱規模重大記崔侯他時俎
豆邦人永廡下還聞趙德不
道光三年知縣龔定國勸捐
重修外餘一千九百一十九金有奇生息續撥地一頃六十
一畝後生員李必榮捐輸膏火本錢五十萬迨壬戌屋宇咸
燼閱八年知縣江滙川卽治署東南富厚倉址勸捐改建易
名

湖山書院費五千餘金共爲堂齋五十餘楹仍以前項生息
地畝備膏火延師焉光緒二年藩司發給五百金本縣籌撥
斗用錢百六十萬六年撥義倉變價錢百萬後蕭令捐廉十

二萬以益之當乾隆時知縣李世垣又建

通川書院規模與南湖埒卽流曲善凝寺二十二年知縣興
泰曾增修者有地一頃七十餘畝并因各處故寺常輸地改
易書院四處西魏村曰西魏地一頃四十餘畝曹村曰錦屏
地八十餘畝紅崖村曰金粟三十餘畝張橋曰東璧一頃二
十餘畝以資蒙養邑大令竇鳳輝有東璧書院記記云歲丁卯廣川李

公以名進士來尹吾邑政簡刑清興除盡善尤以培植士風

振興文教爲己任邑舊有南湖書院創自前令喬公公捐貲

增葺設備膏火聚生童肄業屬余謬主講席繼念境內廣袤

百餘里村居錯落就學爲難復因善甯寺爲通川書院延師

授徒規模與南湖書院埒而通計閭邑度其地之遠近添設

義塾俾窮鄉僻壤咸知誦讀東修膏火強半割冰俸爲之在

城土地祠一北鄉西村一曹村一紅崖村一又其一則張橋

也張橋界縣東去城四十里有寺曰大安名刹也創修失考

丙常輸地積一百六十餘畝歷年久遠香冷鐘殘比惟一老
 衲卓錫其中地多荒蕪辛未冬月公躬詣張橋進衿酌設
 義學爰有里人張亮等偕寺僧前請願因寺為學即以其地
 充膏火資公從其請仍議畱田五十畝作寺僧衣食而以一
 百一十餘畝歸義學當即捐冰俸若干構講堂四楹延渭南
 文學朱尹翼周為山長一時負笈者四十餘人嗣渭邑庠士
 蕭君七捐膏腴田十畝吾邑太學雲鵬吳君亦以田十畝
 捐翁然成盛舉焉且夫黜異端崇正學聖訓也就使撤
 貌床獅座而進以臯比詎非主持風教者分內事今則衲子
 自願以其田歸義學因勢利導卒歸於正不亦君子反經之
 驗乎不甯惟是吾鄉之地捐者或曰書田因果彼固為其
 子若弟也否則為其戚友也若鄰邑人士肫然尚義則德教
 之感被遠矣今公以績最晉秩與元刺史旦夕入覲猶諄
 諄然懼鄉人之久而或湮也屬余記之蓋設義學公之善政
 而懼義學之久而或湮則公之苦心也嗚呼公之苦心甯惟
 張橋義學為然哉作張橋義學記
 一千二百四十五兩源豐等當領運每年按十二個月一分
 生息滿年共收息銀一百四十九兩四錢一分生息滿年
 火銀五百兩恆豐當領運每年按十二個月一分生息滿年
 共收息銀六十兩一籌發生童膏火錢一千六百串恆豐

等當領運每年按十二個月一分生息滿年共收息錢一百
九十二串文一義倉變價並前蕭令捐入共錢一千一百
二十四千文發商營運按年一分二釐起息共收息錢一百三
火等項四百文四項生息俱係監院經管以備支發脩脯膏
村流曲南門外七良村宮裡顧家堡外皂角樹河灘定陵等
處共地四頃五十六畝六分六釐趙元興等三十三家佃種
每年租麥三十二石二升八合三勺租穀二十三石四斗三
升三勺管院經收送交山長一元陵山坡餘地一十一頃
三十三畝張居莊等三十七家佃種每年租銀五十八兩九
錢五分管院經收以備支發脩脯膏火等項一書院前豆
村斜道龍橋溝南壇河北官渠黃甫村橋頭等處共地八十
二畝五分二釐王光度等七家佃種每年共收租錢二十三
千六百七十二文管院經收以備支發脩脯膏火等項一
李修恭案內地七十九畝現係李中和李邦彥城內土地祠
佃種每年共收租麥一十五石八斗一合八勺城內土地祠
設義學一撥義田餘地五畝六分今地多荒蕪惟通川錦屏
尚存與增設之

義塾美原莊裏鎮各二道賢流曲畱古鎮各一均由本處籌

脩延師稟官而已

一縣城岳廟經學師長每年束脩連節敬錢六十千按三節由裁撤坐局糧正口食

項下提送

一岳廟蒙學師長每年脩金節敬錢三十千按

三節由署內捐廉致送

以上岳廟義學地一頃七十六畝

每年共收租麥一十三石八斗九升以八石六斗一升為館

師滿年脩金以五石二斗八升作每年二月十五日慶祀之

用餘麥以脩歲修之用自荒劫後學地荒蕪照現在開種地

畝僅收租麥五石一斗零一美原鎮經學師長每年脩金

錢七十千一美原鎮義學師長每年脩金錢五十千

道賢鎮義學師長每年脩金錢照舊致送一美原鎮義學

師長每年脩金錢四十千一長春觀義學師長每年脩金

錢二十四千一畱古鎮義學師長每年脩金錢五十千

一莊裏鎮義學師長每年脩金錢四十千

通川書院在流曲鎮錦屏書院在曹村鎮

蒙泉義學貢生魏養德捐置房基地畝延師費用鄉約經理

以圖久遠前邑令趙嘉肇撰義學碑記義學在興隆堡內美

原鎮東南捐地六十畝

篤祐村義學邑人伍自學捐莊基一院計房八間又捐地四十畝每年所出爲學中束脩經費

三里村義學邑候選同知王登瀛設捐錢五百千

壇廟

文廟在治署左面中街屏儒學明洪武三年主簿陳忠信創建暨九年縣丞芮弼天順三年知縣王傑宏治五年陳潤正德六年劉藻所增修者均圯於嘉靖乙卯迨隆慶七年知縣史燦縣丞李果始重建萬曆八年知縣劉兌邑鴻臚李盡心更正殿五楹壁以甃增兩廡楹各九戟星各三有邑恭介孫

公二記

重修縣學記云古今天下忠臣孝子可以師萬世者孰有聖於孔子隆宮室備禮樂潔俎豆師事徧海內

豈羣冠裳而知崇尚必若而聖哉其造士也談仁義文道德時較嚴恐恐然懼納於邪又豈非欲其端趨向必若而聖哉富平縣故有廟甚狀麗廡門稱之歲乙卯關中震廟貌頽垂三十餘年隆慶壬申邑大夫史侯募士姓金獲若干身任之縣尉李侯至又相與贊襄為廟齋若干楹戟星若干楹堂齋若干楹始克底績萬曆甲戌聶侯乃成終焉於是問記孫丕揚丕揚曰余目學宮興廢而知任事之難也方其廢也牆不及肩階不可升堂不徹風雨無有一造其門而開其榛蕪者而當途者不以為廢比其興也財樂輸諸士工樂輸諸民上不損藏下不逼人不數月而甲諸郡縣士大夫物議起矣當是時非大夫夙清白素惠愛執強毅幾何而不被其擢揄以中止也顧相繼二三君子又慨然以興起斯文為己任茲非聖道中天之會歟夫立政以崇教者大夫責也修身以見世者邑士子責也吾里土俗朴而實直而廉侃而信有孔氏之遺風此其去聖人之門非遠也邑鉅公開疆柄銓如鸚菴之大節文學政事如李石壘之巨擘許國忘身如楊斛山之赤忠皆學產皆先達皆聖人徒也此知效法聖人非難也今學儲六籍七篇中何者非聖賢齊家治國法度窮則談節義達

不棄本根處則為孝子出則為忠臣此其尊信至規非高也
吾黨諸士其信吾言耶其否吾言耶是則可以不以不詭聖訓不
忝先賢不負諸邑大夫不則飭理道似忠節象廉潔以為謀
青紫者為也而謂吾儕願之乎夫洛水以得兩程則名眉山
以得三蘇則重諸賢尚早圖向往以為鄉邦師友光哉史侯
開州人名粲聶侯當陽縣人名武李侯孝感人名果皆有功
學務大體云重新廟學記云高皇帝表章孔子範海內之
士習諸置令所即廟廊之庠序之故富平士願學孔子者匪
朝夕故云嘉靖時關地震甚廟學圯歷春秋弘正絃誦聲
比隆慶壬申始史大夫理廟貌焉棟梁粗就葉橫生嗣是
邑政急循良而緩詩書矣又十年當萬曆庚辰劉大夫見而
恙之大恐教學疎廢無以培士才俊進博士弟子而問故則
數往以對問錢穀則數里鴻臚李君以對又觴鴻臚而問故
則願千金代公費以對右簿趙君亦力贊意是都史巡察藩
臬府州胥聞而善之僉謀既協相廟學規陋不稱具瞻爰增
營焉大夫又鑿轍遠嫌身經畫督責之任而銖兩出入即肩
諸鴻臚壁聖殿創庠堂益庶齋葺星仍各冠坊又進經閣
以位形勝而箴亭啟聖名宦鄉賢傍及兩師解魁星樓一切
飭舊更新類舉興闕舉備丹漆節稅舉以法故始事于庚辰
九月告成于辛巳八月費勸鴻臚蓋千緡焉又拾殿材損公

役卜庠北隙地爲憲史臺以備諸大夫行部之視學者費亦
數百金奇公不文咸民不匹勞甫數月而宗廟之美宮牆之
麗煥然聖域視嘉靖間廟于斯鴻臚于斯自若也何
俟大夫而始興乎非廉與明兼勞借怨任百年積廢欲排眾
口而力與能耶於戲難矣哉釋菜有日大夫欲告來學垂諸
百世孫丕揚曰余嘗博觀休明之運于霄壤間而知尊禮孔
學必不可少云太和元氣在唐虞三王時矣不能俾暴秦之
不坑焚于后漢唐小宋德繼美不能俾狄元之不能腥穢其
流茲陰以尾陽治以子亂非人所能爲也天也計休明之期
由孔子而前迄于堯千七百有餘歲執中傳心聖聖繼體爲
世也君者是爲世也師屈指率天下以暴桀紂幽厲纒數君
者天盡可扶持安全之由孔子而元亦千七百有餘歲中間
七制三宗暨隆元誼辟止耳不有集大成主綱常可師千古
者以尊禮其間令人曉然知所趨向則將喻利而不喻義幾
何不捐軀而爲萬世長夜如秦元爲也故俯仰人心慘如黨
錮寧捐軀而不肯犯天下之諱強如藩鎮尙折節而不敢犯
天下之名亂如狄元甘舟甘海甘市而不忍犯天下之義總
之網維明而人心正也若是乎教化之有益于人國哉然則
天必生德孔子學必宗法孔子帝者必師禮孔子至要切矣
富平士代際熙朝日履身于俎豆禮樂非孔子學不學也懷

玉一售遠進清廟登明堂卽唐虞宇宙固職分內事矣視孔子
子阨于末周何雲泥耶是在諸士自樹何如耳夫肖聖之賢
三千人中七十子也列四科者僅以十焉蓋不第三百賢一
人而德行具體業二三子岐斗筭而之他者又不可算是故
爲莊周爲短喪干祿爲附歛旅秦伐與夫非洙泗之徒與孔
子傷之曰非吾徒也蓋至此而聖人亦莫如之何已今學士
志孔者聞風耳非若諸親炙者深也賢何從愆何爲以與曠
世諸英共由於明哲之途而不詭聖軌茲非造端地乎是故
入必爲股肱心腹出必爲干城甘棠學必爲明德親民人必
爲顏曾思孟令天下後世仰之如華岳北斗夫然後無愧于
三萬六千一丈夫哉大夫曰願石先生言以告多士于不朽
大夫名兌畿內新安人京闈進士高才勁猷眞心美政有祖
西臯尙書風趙簿名怵河東岳陽人鴻臚邑流曲里人官序
班名盡心總工者邑庠生李君燾他百執事載在碑陰中若
史大夫則崇禎十年知縣賈太初新之十二年訓導姜輝邑
先有豎也

中丞朱國棟重構正殿創泮池

國朝順治十八年知縣鄭崑璧康熙十九年郭傳芳五十二年

楊勤皆仍舊址重修因時震有記云

吾庠自明興以來節義事功之彥視鄰邑獨顯

而科甲落落晨星視鄰邑亦獨嗇憶髫年侍先君子側見其
屈指儒宮興替每云自鄉先達鴻臚李公捐資重修前邑侯
安肅劉公實心善葺之嗣是精彩鬱勃人文煥發掄元掇魁
項背相接鄉書制科鵲起蟬聯一時稱最盛焉孰謂巍巍宮
牆間無靈氣挾之而行也乃歲久且隳靡德滅無論兩齋委
於草莽卽大成殿暨文昌閣薄蝕風雨岌岌欲頽青衿避寇
至者率家棲廡下堂室未扃蕪穢不剪見者愴焉興懷且從
來有芹宮而無黌池又數百年缺典也博士姜公與二三同
志謀爲更新相與鏗鞳緝屨材鳩工越歲得告厥成其仍
舊址而重構之者爲大成殿爲文昌閣爲東西齋題榮棗桷
疏寮費檻甃礮除序之屬無不完固堅好其卜地橋門內而
創砌之者爲泮池另廣各如規躡化龍翔將於是乎肇端他
如啓聖等祠未具其傾尙未遑及也工竣將伐石以表來茲
僉議奎樓檐楹漸圯神靈坐風日中且址狹而岑峻益不禁
浸淫之患今不葺將大徹後欲爲之費不貲矣余聞之愀然
曰所用者少所關者鉅余卽善貧不敢不勉聊奏績爲莖茨
得與大殿文閣鼎峙無壞同事者求余言以志之竊不勝俯
仰今昔之感焉昔賢獨力營之有餘後人合力締之不足昔

賢捐千金無難色後人施微貲輒有吝志獨不思士人束髮
時聖域賢關終身所尊灑者何人義路禮門朝夕所步趨者
何地精之而性道文章粗之而功名富貴罔弗竊緒餘以自
潤顧於宮牆廟貌忍聽其廢棄而漠不相關耶嘗聞匹夫輕
財梵宇道觀猶樂捨施不吝丹堊金碧之費儒者敦詩書修
道德慕義向善寧其遜諸幸大義不絕於人心尙有量力以
金錢助者獲藉手以襄成事是役也頻年荒禳兵燹屢警物
力消耗邁時較往昔倍艱登疏者強半爽約銖積寸累所計
無幾量材較往昔倍歉董事者出入糾察木屑竹頭不輕濫
用省試較往昔亦倍加毖飭然則烏乎記曰記難也記儉也
記慎也異日時和歲稔後之君子聞風而起於新所未備而
向所未及未必不以是舉爲適越之指南云若夫聖教之廣
大闡述儒宮之方域規制前人言之詳矣何俟予之贅語哉
維時捐俸者學博姜君也諱輝米脂人重繕大成殿者奉常
朱年友也諱國棟王戌同榜進士僅以十餘金佐文昌閣奎
樓之工者宦拙囊溢之不佞也始終綜理殫厥心力者邑庠
生李林張運泰惠之介蓋一傑周有憑也其他例
應書名者並列碑陰庶幾與此石共永久云爾
乾隆元年

知縣喬履信補築月臺泮池石欄十一年程永言增葺殿廡

生員翟機任築宮牆及咸豐建元歲久就地知縣李煒復修如法同治十二年知縣宋旻葺堊焉會典歲春秋仲月上丁行釋奠禮正官將事佐貳分獻監禮以師儒執事以生員通禮月朔釋菜望日上香教諭訓導等官分班行禮 聖誕故無祭道光二十三年生員趙昌入田以供計六十畝

崇聖祠在廟北尊經閣後明嘉靖九年建名啟聖祠專祀叔梁公

國朝雍正元年更定合祀五代易曰崇聖與文廟同時致祭桂林坊三楹在文廟正殿後乾隆二年知縣喬履信重修明倫堂五楹在桂林坊內知縣楊勤重修左右齋房各五間

明成化中知縣張本創修

尊經閣三楹在明倫堂後嘉靖中知縣胡山建康熙三十九年知縣劉燦重修乾隆二十三年訓導王宰重修

魁星樓在文廟後明知縣劉兌增修

本朝康熙元年知縣鄭崑璧重修

名宦祠在戟門左祀明巡撫崔應麒學政葉映樞知縣劉兌焦承光侯來詔王正志宋日就縣丞芮弼邑孝廉劉士龍有

邑侯劉焦王三公崇祀名宦記云

名宦鄉賢並重千古而吾邑相傳有鄉賢而無名宦

春秋饗獻官祠闕寂生則人食其德而歿不獲廟食於人無論祀典缺然循良無考而究所爲尊賢隆報之誼則吾邑之士若民迹於薄矣其年遠政湮者未易指數就萬曆間治行卓異者實得三令焉劉侯焦侯王侯是已三侯德政詳載邑

乘吾撮其大者論之劉侯以興利焦侯以化導王侯以抗閹
豎此其尤表表者也邑故有漆沮趙氏溫泉諸河而灌漑之
利前此則未有聞也劉侯至而創為疏鑿開渠而以數計者
十有八灌田而以頃計者至於數千甌脫之區化為沃壤而
膏澤所暨遂能與天爭權即旱魃為虐吾邑半有歲也蓋河
水可竭而侯之德始可沒矣鄉約之設創自郡守曹礎石先
生他有司率故事奉之而焦侯不然家喻戶曉舌敝而不少
倦即窮鄉山陬亦必有車轍馬跡焉一片婆心厚為期而勤
為督者如慈父又如嚴師薰而善良而至今彬彬雅化者則
猶其遺德餘教也彼興學化蜀者侯庶幾嗣美矣礦稅之興
也閹豎方刀兆姓方肉而諸守令方且畏之如虎橫肆憑陵
莫敢誰何參隨之來吾邑者殘破我公署鞭笞我人民王侯
震怒謂令在我而民不見庇與無令而魚肉之何異焉收其
豪悍者痛繩以法閹豎咸咋指相戒而往來東北者相與避
吾邑如畏途民雖少蘇而侯竟以此被逮矣如護籬之雞至
於搏狸力不及而有奮心恩之至也嗟乎其難哉三侯為德
於吾邑者不一而所以遺愛一也三侯之愛在人而人之耕
鑿而歌何有者相忘於三侯之愛久矣夫愛必忘而後至而
惟其至也則有終不能忘者此三侯之所以終祀也然祀必
遲之數十年不疑於稽報乎而吾不謂然論久而定思久而

深故祀亦以久而後舉而是舉也倡之者爲今令隋侯謂其
飾前令以爲後令地也非也然而有弗避也卽爲推前令以
爲後令勸也似也然而有未盡也仰止景行直達其所不容
已者而他何知焉隋侯倡之而士若民起而和之塗歌巷舞
忻起恐後如賢祖父久遭沉淪而一聞褒崇輒不覺喜動顏
色者亦非必戴前令以媚後令也自非然者而上之於下水
博沙則下之視上郵閱客而已亦何能久而不忘者而欲使
列在俎豆卽後令倡之而未必和也令雖有權人各有心而
權不勝心可奈何卽此而知三侯之所以入人者深矣三侯
雖賢使不遇隋侯誰爲表章者有終歸湮沒已耳隋侯此舉
於三侯得顯微闡幽之意於士民遂崇德報功之心而以風
示後來則又爲礪世磨鈍之機一舉而三善備焉是可記也
夫是可記也夫劉侯諱兌直隸新安縣人焦侯諱承光山西
大同衛人王侯諱正志河南祥符縣人隋侯諱不矜山東壽
光縣人國朝知
縣郭傳芳喬履信

鄉賢祠在戟門右祀唐僕射令狐彰明吏部尙書張統雲南
布政使參議李恕河南巡撫李宗樞鴻臚少卿銜李盡心寶

坻知縣孫惟謙光祿少卿楊爵吏部尙書孫丕揚河間同知
張執兵部侍郎朱國棟吏部郎中周文煥汝州訓導田見龍
城固訓導竇汝器山西右參政田時震

國朝福建學道田本沛偏沅巡撫袁廓宇戶部員外王象天翰
林檢討李因篤副都御史趙兆麟陝西道御史張冲冀稷山
知縣孟孔脈河南道御史張嗣雒富民知縣朱久括

忠孝祠在泮池東側雍正元年建祀本地忠臣義士孝子悌
弟順孫 唐孝子梁悅 明仇養蒙

本朝党國虎 竇琳昌 唐文昭 常崇仁 郝振綱 姚冲

瀛

節孝祠在文廟東鐘樓北祀節孝婦女雍正元年創建在治署北乾隆十八年知縣李世垣移建於此會典文廟左右建名宦鄉賢忠義孝弟節孝四祠歲春秋釋奠禮畢致祭以教諭一員主之竇允陞妻古氏溫九鵬妻唐氏王昂妻趙氏武承堯妻紀氏韓養京妻劉氏郝世川妻楊氏王永祥妻樊氏孟宏道妻陳氏鍾鳴震妻陳氏程文琅妻党氏袁之崔妻潘氏張鳳舉妻王氏曹棻妻王氏常名顯妻王氏成熙秀妻石氏趙九益妻張氏張秉乾妻由氏許夫譚妻緜氏張音妻章氏王經妻羅氏張自鵬妻李氏程諧妻劉氏石從堯妻吳氏王廷相妻蕭氏趙之良妻唐氏同爾善妻仇氏王濟世妻徐

氏魏有年妻范氏劉源深妻翟氏劉繼漢妻鍾氏師大受妻
郭氏陳三界妻郭氏常宏倫妻喬氏田統錫妻由氏趙思忍
妻唐氏張希廉妻田氏王銘鼎妻焦氏石成收妻楊氏趙得
盤妻李氏韓閭妻孟氏劉世肅妻楊氏何靜江妻支氏蔡宏
先妻魏氏馮文統妻曾氏李浩妻王氏李懷義妻姬氏董蘊
朴妻王氏王三仕妻楊氏王發秀妻張氏李源妻惠氏劉璵
妻李氏竇汝璽妻趙氏竇爾琢妻趙氏景之朝妻王氏党褒
妻白氏劉漢妻魏氏強汝操妻劉氏竇亮中妻王氏楊景榮
妻秦氏竇作康妻趙氏楊某妻惠氏張光孝妻安氏張洽沾
妻喬氏程必祉妻孫氏李廷寀妻趙氏劉志信妻由氏田資

世妻翟氏賀公明妻党氏竇嘉鳳妻李氏鍾動天妻陳氏任
元善妻楊氏胡之翰妻楊氏孟學孔妻惠氏胡之藩妻惠氏
李萼妻王氏邵學會妻王氏孫盛焉妻田氏楊元滋妻同氏
王天祥妻殷氏楊起鳳妻張氏趙慧妻田氏張爾祿妻張氏
何功漢妻王氏李中妻趙氏楊滿生妻唐氏溫雙妻張氏仇
蕤生妻劉氏李之廉妻張氏某妻權氏某妻李氏

社稷壇在縣城西北三里浮原麓雍正三年卽明舊址重建
高二尺一寸方二丈五尺社右稷左異位同壇通禮歲以春
秋仲月戊日致祭

先農壇在縣東四里原上

富平縣志卷二
國朝雍正四年創建耜田四畝九分正殿三楹下東西房各一楹中築土爲壇制同社稷通禮歲以仲春吉亥致祭祭畢知縣率丞史老農行耕耜禮九推九返

神祇壇在縣城南里許雲雨風雷神居中境內山川神左城隍神右通禮歲春秋仲月諏吉致祭孟夏後雩祭若間不雨及潦素服祈禱旣應報祀

邑厲壇在縣城北里許原上會典歲清明日七月望十月朔日祭本境無祀鬼魂奉城隍神位於壇正中行禮二壇亦明舊址重修者

常雩壇在縣東鄉焦村堡西

關帝廟在治署右明成化二年知縣蘇鑑創建

國朝雍正三年追封三代公爵供俸後殿乾隆四十年廟被火越歲知縣吳六鰲興修同治十二年知縣宋焘重修通禮歲以春秋仲月及五月旬有三日致祭前殿主祭以正官後殿以丞史

文昌廟舊在明倫堂奎星樓前嘉慶十三年知縣胡晉康就北街王公正志廢祠改建光緒元年知縣宋焘重修按部頒祀期以春秋仲月及二月三日通禮同日祭後殿行禮興關帝廟同

城隍廟在華翔門內明洪武間縣丞芮弼創建萬曆間知縣

趙民瞻

國朝順治五年知縣張昊康熙元年鄭崑璧乾隆二年喬履信
皆重修光緒元年知縣宋炆始毀兩廊謬像而寢殿之設如
故也今美原鎮亦有廟按會典三廟每月朔望守土官咸率
屬分詣行香

八蜡祠在帶温門外橋北明萬曆八年知縣劉兌建四十六

年劉敕重修久圯周文煥有記云天子祈穀祀神報嗇尼父

道民其于告成報勤之典諄諄致意焉故立象轉而寒暑改
則歲事告成節會至而萬物遷則八蜡報勤入蜡之祀邑之
正祠也頻陽舊無祠有之自新安劉侯始劉侯蒞蒞富政簡人
和乃謂富獨無蜡此為王政之闕也于是相吉於北郭橋右
創建蜡祠迄今垂四十年摧蕩於風雨剥落于鳥鼠祠像傾
頹門垣荒廢而宦遊于斯者咸傳舍目之弗葺也歲己未濟

南劉侯來治茲土甫半載和風披拂千村皎月澄濤萬戶實
政難以枚舉窺豹僅見一班庚申春舉嘗祀禮至蠟神祠嘆
祠圯若茲何以妥靈而起敬此有司者責也廼捐俸廼計工
廼掄材廼具鍊不數月巍如煥如神其妥如而祠于是改觀
矣偶值旱魃爲虐顛祀于斯其應如響事竣屬子爲記子惟
事神治民悉精意之流通一心可對神明則百念總歸赤子
若有所觸而不容已創建增新皆循良偉樹亘古需刈開厥
先逾世俟補嗣厥美若有所待而不容辭昔劉公績迴邁前修
擢爲地官卽尋陟大參邑尸祝具焉今劉公政績迴邁前修
聲譽颺發且也遜德具躬文章華國吾聞文星所在賢人所
聚青虹動天明珠還海天地向且應之又何神明不歸向也
耶若夫膺明徵登華廡自分內事耳余志祠事而並述兩侯
之烈願後之宦茲者因人知景觀祠起畏體王者歲成休息
之意舉有司先蜡祭禽之禮其於告成報勤之際畱意於祠
焉庶神之有裨于民社者終不至墮廢也昔劉侯有
正祠故不贅載今劉侯諱勅號五雲山東歷城人

火神故無祠與蜡祭俱附他祠

劉猛將軍祠舊在啟運門外東偏已圯附奉龍神祠按會典

神名承忠爲元指揮能驅蝗雍正二年列祀典四祠亦春秋
致祭凡此皆與他縣同其郭公專祠祀邑陣亡戶部員外郎
濬者以光緒元年得請未建也

龍神祠在帶溫門內西側嘉慶十四年知縣胡晉康創建光
緒元年知縣宋旻重修歲部頒祀期縣西十里溫泉亦有廟
爲前明知縣劉兌禱雨建近同治四年知縣孫毓林致禱有
應捐廉重修構靈湫亭於內

祠祀

頻山廟在山南阜上碑載唐代旱禱而雨因建廟曰美應侯
宋美原令高文林禱應葺祠勒碑政和中令王居仁又禱又

應並擴殿宇總百楹明萬曆知縣劉兌重修

迤山廟在縣北四里自嵯峨迤邐而東與荆山接義取乎迤作移非廟前有石二傳爲星隕

鹵川廟在縣東軍寨昔時鹹泉出焉創於元初歷明隆慶

國朝康熙中皆重修

鹵泊廟在鹵灘中四外水鹹不可飲廟泉一縷獨甘皆以境內山川祀

秦王將軍廟在錦屏山巔縣東北韓家村亦有廟康熙中邑

檢討李因篤重修有題廟碑詩五首

頻山頻水樹森森地托將軍有故林斷碣已隨

丹篆冷荒臺曾染翠華深村霞晚抱高峰落積月秋生古澗陰爲溯粉榆通里社沿公伏臘到于今○秦皇談笑取羣雄

一代宗臣首戰功世遠旂常徵野老兵餘劍佩式英風新加
 大棟躋攀裏舊請良田指顧中過客不須論往劫鄉人歲歲
 薦歆同○山靈神祐報祠長梓里還畱血食鄉古屋寒雕愁
 自站雲旗風馬怒來翔遺封第宅傳干口伏處松楸列五王
 大澤為陵陵是谷間尋勝蹟此褰裳○山居滂沛顯靈偏美
 應為霖俗並傳避暑西遮虎阜聞雷廟左帶龍泉千家須
 豆兼秋報四野桑麻接暮烟欲問崇褒何代始村翁不記漢
 唐年○當時定兆澗流南六月佳城曉霧含貝闕珠宮移海
 市瑠戈鐵騎隱山嵐長楊灑雨哀聲合老柏摩第碑稱將軍
 霄黛色參莫使募田侵牧豎清門連復起朝簪

為頻山神是秦初建縣時頻山無神也殊鑿復為記云

吾村王將

軍廟莫詳其始作之年崇禎間叔曾王父鎮撫公嘗議新之
 既而村燬於寇遂中輟碑版亦缺有間因篤稍長我大孺人
 田氏數以為言遂巡未遑也先是詔試鴻博因篤名玷
 其中屢辭不獲將發太孺人申告之日將軍廟垂圯及今不
 圖使先人社祀故坊淪胥於小子之身可乎自輸簪珥一金
 因篤輸二金付從父林芳三芳為聚羣謀始之勸比子通籍
 史館顛養遄歸拜太孺人於北堂而是役猶不果行問所捐
 金則取息已相埒疆烽未靖人方困于轉輸又連歲游饑不

可以請前年秋太孺人寢疾屬續之時諄諄廟工無期若目
不瞑因篤泣受命皇天降割太孺人奄棄其孤苦塊拮据歷
冬乃克襄事明年播穫繼畢卜日燒蔬淪茗料族黨而諮之
皆踴躍願從奮乃心竭乃力布金握粟凡得若干緡推里社
某某等環而督之經始是歲正月丙子歷七月己丑報竣謂
因篤宜有辭以示後按史記將軍諱翦頻陽東鄉人秦厲共
公二十一年初縣頻應劭云在頻水之陽水北曰陽然今縣
無橫注之水也而頻山踞吾村五里許山麓有將軍廟亦曰
美應侯廟舊碣載唐代大旱禱廟下挹水龍泉而雨因褒封
之龍泉出廟左稍上一里俗稱將軍淬劍池也云將軍所佩
劍時爲龍飲於池故名史言將軍盡定趙魏荆燕百越之地
以其王歸秦並天下王氏蒙氏功最大聲施後世及諸王客
死並陪葬將軍冢南今猶云五冢五冢者趙魏荆燕韓五王
冢也或云其一自越王非韓王姑勿深考惟將軍冢歲六月
廿五廿六之日質明百步外必見武卒旌麾車馬城郭其上
千萬爲羣蔚蔚蒸蒸狀類海市移時乃散里人多趨觀迫之
則無英爽式憑物采煊赫昭昭耳目於今爲烈龍劍之祥有
自來矣將軍於秦號功宗始皇實師之子賁孫離竝宣威宿
將雖犯三世之誠遜於伊呂而雲仍著望如太原瑯琊世產
名賢史所稱百代鄉族者固將軍之裔也子嘗問華山王

徵君弘撰鳳洲既祖瑯琊而溯其系不曰頻陽將軍而曰靈
王太子詭其所不可信蓋稽其所可信耶徵君唯唯至秦不
施德義自促厥曆而離為將會逢其阨復何尤焉史但云將
軍縣東鄉人不詳所居地或曰千口或又曰將軍以六十萬
征楚多請美田宅堅秦王之心始徙於彼吾村古老相傳以
七月十日為將軍岳降必大作社衍之蓋冢墓嘉徵發於六
月疑將軍薨葬在季夏而孟秋乃其辰顧千口及冢旁皆有
王氏而不知也吾村王氏又久亡其譜牒而踞頻山最近將
軍里中先賢則以地祀旱輟禱於龍泉則以功祀吾祖宗秋
報之遺宮則以社祀是何可泯泯哉嗟乎是役也肇自先太
孺人言猶在耳時艱坐誅旦夕緩營今廟貌煥然而太孺人
不及見也嗟乎痛哉是因篤之罪也夫是因篤之罪也夫從
父林芳三芳相繼不祿附此以存其勞而比閭效事者咸得
紀名並綴迎降送神辭三章其辭曰頻之山河崔巍包殺禘
亘挺垓山之陽井盧開叢雲樹宵徘徊於維公降岳來頻之
麓澗之隈為秦帥挺異才皇攸師眾競推諸王伏萬旅同望
公導崩負摧公所馭龍之媒怒銜鑣闔闔排持干將燦斗魁
揚金光雪皚皚旌容容騎恢恢紛舉幕神離哉發冀闕歸北
厓沛施怙臨其陔欽遲公印心哀公遙止橫紫埃右迎神於
維孟秋相月之初練日於朔爰盈部居晨露既降好風是舒

我黍載實惟稊及稭有圃在郊爲場將除蒸彼農祖社壇孔
愉先社伊何古戎父時宗三后命族皇閭生而知兵乃奮
訐謨秦有天下大勳莫如湯沐之鄉梓桑之都公神自天百
代非疎公眷乃土曰粉曰榆濟澗澗咸奔厥徒公起跋馬
有膏其車電發星激隕黃耀朱荆燕驂左趙魏右驅颺歎來
止沛哉塞衢眾嬈綽麗其顏如荼震何澹愴申觴爾娛右降
神公臨壇宇澗之濱擊籥前除佳哉紛厥北有山何嶙峋輝
輝明月爛若銀中厓挺秀揚浮雲四望羣峰列星陳虎阜右
峙左龍津爭環公宮相氛氲公朝發軔渭城闌午徧六邦皆
效珍歸來公里眾詵詵色皎皎於嘗所親聿瞻公袞煥以焯
登廟倚楹昭靈文白旄黃鉞響然臻誰其相之公子孫蛟螭
踞伏龜鼈舞交駿奔盛壯折俎膏薌新有實盈邊酒盈盆明
德惟馨黍稷芬願公醉飽焉其闡公安坐以眺舊邨土階茅
牆同瑤琨美莫美兮鄉之樽親莫親兮鄉之人樂莫樂兮難
其論故鄉之恩洽人神歡畱奄夕虞主賓桂醕椒漿寧足云
秋飈初肅颺於晨風馬上馳班白麟公爲我言情孔殷攀公
不得涕沾巾拜公之貺秋復春祁祁甘雨禾藁
秦龍淵杯水蕩無琅潤沃我田彰報禋右送神

唐李太尉祠在覓子鎮墓旁有宋皇祐縣令王哲創建記張

大中書

記云子領富平視事之踰月按圖邑之西三十里有廟曰赤

眉誌不具載其事蓋炎劉中絕長安之亂厥號不滅里毗之
所爲耳噫是可以篤訓耶因遣行視其墓則無有惟顏魯公
爲其碑表存焉甚可怪也一日浚檢挾至其所召父老詢之
則曰是東直七百步越廬井林木之外聞之李相公園也遂
往視焉則東西二塚田禾中僅存耳猶有石獸按顏文西則
司空公東則太尉也太尉忠謀武烈克建大勳與郭汾陽偕
爲唐社稷臣諸將無能出其右者魯公清賢傑識爲文以表
其墓顧不得春秋時祭而亂臣賊子乃竊民之奉獨時祭而
嚴畏之嗚呼俗狃淫祀不知善惡之別也至於此亟命毀之
以其材作太尉祠堂使知忠賢勳勞可以享百世之祀亂臣
賊子可以蒙千古

前明知縣劉兌重修

元楊公朝列祠在王寮鎮左

明劉公兌祠在縣北演武場左有邑孫恭介公劉侯均田記

記云富平境內蓋三山三水云維北有頻維南有荆浮山則
盤錯中踞總延褒計當境地什七而温趙石河又相與溯泮

於羣山之麓淹圯之畝無歲不報厥田固下下也比問田賦
則河濱者稻大川者米峻嶒者波瀾者困而流離者亦必升
斗厥賦不上上耶如是而欲田斯者忍饑溺樂鄉井充租稅
至難矣故談治之本惟均田便是主計之臣嘗倡其說有
司卒未有處也間有處者嘉靖中則崔侯舉隆慶初則王侯
良策張丞志道崔法尤明豪右側目竟以謗阻百姓迄今憤
之以故均田議寢垂十餘年莫之省劉侯則身任稱首務焉
會司農覈天下田侯毅然詢蒞莠訪利病圖耕野萬金之策
恐恐然惟慮幽隱之未照乃申田里冊耕稼之數乃屈羣力
簡省官之才乃諭頑民開隱田之路堂奧未離言遺田者數
業千八百奇狀聞矣境人欣欣望侯至無異雲霓也侯率才
官二十有六官分以畛授竹丈二十有四丈稽以畝有田有
職書至書名進必魚鱗而分寸辨界必山河而起止明驗村
落以紀肥瘠札水澤以稅高下冊等符地力予稅若冊地力
浮冊等子稅從變旱澇無恐者田上上也名曰金時雨灌溉
綠野平壤者銀銅之山原犢力土石人墾二而當一者錫鐵
之始事歲孟夏生明告完於六月生魄得田一萬二千四百
頃詭地增冊額者蓋三千頃焉侯又簡鐵者畝以場筭場一
者三其畝稅一畝有半田增而稅如故計稅五萬九千九百
九十石畸矣然後里以準畝人以入稅版籍明而豪俠無所

措手賦役當而貧窶得以息肩民困弊稅若銅疾切身而不可推移者頓取而均平之非侯力堅定幾何而不畏難以中廢也欲觀邑太平景象能耶孫丕揚曰識帶之士誰不言政始經界善哉本之力行又顧如之何者富平經界議屢下矣樂畝畝而慰閭閻者則迄侯底績焉何也執度地其難在勞侯獨單車郊垆旅舍老佛日與田農野叟辨尺寸廉腴薄垂三越月訟至卽理冊詭卽更不心服者卽履其畝紛擾至或夜鼓未食也如是而奸不神明良不怙恃得耶多口朋與任難任怨侯釐弊抑強一切法繩古逃田者懲餉黍肉者懲匿田等者懲狐鼠病己任之長短銳然於羣小啾啾之中而天命公法直信之而不同非丈夫而能若是乎見利必趨難在任人侯遴才執丈推心感格發切都邑也載禮觴豆載誓廟庭載優騎從巡行田野也壺漿侯携寢食侯供佳節侯犒不諳練者侯教道之勤事五夜者侯燭侯之慰勞之飲食之卽長駕遠馭曾是過與故才官受事來畏不敢緩愛不忍欺終全邑之田未聞枉一事者侯之精神感召力也然則事豈虛就民豈虛附哉余采父老意謀章厥美而諸君子請又至敬載筆付諸執事者

劉公敕祠在縣東平觀村乃開圃田渠者厥後爭利

國朝知縣楊勤賀雲鴻平之崔虞齡疏其源因合祠顏曰四賢

張太宰祠在城內北街明萬曆知縣劉兌建

國朝嘉慶六年裔孫某重修祠碑唐龍有記云

昔武王陳師牧野夷齊扣馬而

諫左右欲兵之武王以爲議而釋焉卒餓死首陽之下夫自有夷齊然後人臣之節顯故包胥哭於秦廷王蠋經於畫邑忠臣節士蓋接踵而興焉自有武王然後人君之度彰故齊桓釋射鉤之憤晉文忘斬祛之讐卽五霸亦無修怨之事矣先王信以持義義以成信是故生則守官危則授命死不離次非今之夷齊乎文皇包荒含垢以體天道俾得反葬其骨曲全其家顯榮其子非今之武王乎嘉靖紀元詔天下甄錄遐遺用廣褒勸陝西參政潘墳司其事會學官道舉先生以告墳墳卽請于撫按令其邑祠祀焉是舉也豈惟不遺先王之典型而已抑以仰昭聖度如天之無不幬地之無不載乎

楊忠介公祠一在連城萬曆六年知縣楊守川及公孫恆建

一在美原鎮東門外雒遵有記云

楊公諱爵號斛山關西富平人起家進士行人授河

南監察御史世廟時好直言極諫瀕危數四不少挫抑時則
有若太僕楊射洪最車駕楊容城繼盛皆以直聲動天下人
號嘉靖間三楊云隆慶改元錄郵往忠射洪贈右僉都御史
諡忠節容城贈太常少卿諡忠愍各祀於鄉公贈光祿少卿
崇祀無宇巡撫董公世彥巡按劉公光國檄縣相基鳩工創
祠爲堂者三楹左右廊各三楹衛以峻垣重門翼張徭編門
役日供掃除焚修香火有司春秋饗祀布在公令公廡孫詹
事主簿恆問記於遵蓋記祠堂肇修歲時云祠堂告成事萬
曆六年某月也往遵摠角時知募公名高計走謁門牆覩其
丰采至今有遐想焉公忠謙封草備錄石室直節王氣服在
當時信於後世談者不偉其難卽高其標豈知公見分明學
識貞大危言若闢亢志若柳分義在我自盡而已曾少謂其
且難耶初公從遊苑洛韓先生邦奇與容城爲同門友師傳
淵源夙契道真且富平習重氣槩吏部尙書張鷟菴統以仗
節祀公以獻忠祀天植其性益多於習人文世傑不愈靈其
地邪嗚呼觀羹牆於廟貌思景行於高山其抑風世也與西
安郡守羅公惟垣雅崇先烈捐俸
伐石勒碑董工乃屬新尹劉君允

孫恭介公祠在城內鐘樓北皆以名宦鄉賢祀

漢薄太后廟在浮山西阜康熙間重修有邑貢生楊琦記云

記余少時與曹舍人陸海登是臺而嘆曰斯地而廟薄太后也何謂也舍人曰志稱富平后湯沐邑其民生而奉之歿而祀之固其所也臺之北有太后花園今卽遺址杳然而名之傳於人者猶在口也余曰不然祀鉅典也禮禦大災捍大患則祀之有功德於民則祀之未聞以其湯沐故祀之也古今戚里之屬顯榮於祀者眾矣或賜之第或胙之田或縱其恣土木之欲大營池館率不旋踵化爲荆榛適以供樵牧蹴踏而已烏乎祀舍人曰若未知太后之賢乎當呂氏煽虐人彘之慘毒流掖庭向非后之柔順善全安能脫然代藩使其後也子被天位身正中宮而貴爲天下母耶且薄昭弟也有罪當刑使后稍溺於情或援入議之條微諷廷尉疇敢違之卽不然戚形於色三日不飲啜文帝有不立解網出之乎后一不出此若曰伸私恩縈國法老婦不爲也賢哉后祀之何疑也余又曰不然后誠賢何如明德明德事陰后鞠章帝衣繪式俗有葛覃卷耳風至其裁抑兄弟也終身不令加秩衛尉廖中郎將防卒播譽椒房爲時名臣視昭之未爛於訓卒罹大典者何翅倍屣至今茂陵之鄉不識有祠宇可跡如靈光巋然者否也何馬之不祀忽諸而薄之貽獨長也舍人又

日不知其母視其子炎漢四百年之祚高帝始之文帝成之
而後實啟之計自讓再讓三而還以德化民後致刑措者皆
難爲余曰若以文帝爲太后解是益滋余疑也夫堯母慶都
契母簡狄皆誕育神哲而史不傳其建不遷之廟也獨姜嫄
以履武肇祥開萬世粒食之原胡氏謂有形化氣化之異故
生民之詩曰卽有邰家室蓋異數也文帝與太后豈其匹哉
霸陵塚土衰草寒煙未聞旁築一畝之宮尸祝弗絕者乃獨
於浮原片壤謂宜因子以及母然歟否耶舍人則曰如若言
將是廟可廢而不存歟曰何可廢也聞之古有里社其神土
祈於斯報於斯其父老子弟相率爲誠敬恪恭懽忻和樂者
亦於斯今其神雖不經而禋祀同存之不猶識古風歟志曰
喪祭從先祖苟使後之子若孫相戒以倬其旁風蓋其上雨
時時葺治無隙亦猶敬孝之道也如之何其廢之舍人亦然
而笑曰辯矣子言然不苟同不立異緣端究情因俗存禮亦
有味乎其言之哉於是余與舍人益抵掌縱談流連竟日相
與賦薄臺晚照詩而返迄今五十餘年每一遙睇其上憶曩
時往復語若前日事丙子冬初適紀子碩公過我曰余耐重
修薄廟績且竣矣敢丐一
言遂次第其語以遺之

今廟西爲薄臺故址則當時臨幸

施澤於民誠有之邑士周懋康有春日登薄太后祠詩

高臺祠畔

杏花鮮載酒登臨興邈然南向雄風還大陸西來爽氣入長川開軒傲納千山雨遶戶遙迷萬樹烟憑弔離宮惟想像夕

陽潦倒在樽前

武帝廟在流曲鎮鎮東北又有漢相劉屈氂廟碑載帝訪仙明月山劉相奏免民租并爲立廟

北周賀蘭廟在縣東南地名賀蘭觀按北周大將軍賀蘭祥嘗築富平堰開水利民爲立廟俗引唐昭宗避李茂貞之難北行復將幸華何后以疾息於此謂其地爲何難言何后當患難也鑿甚

唐孫真人廟在縣南關之右按神名思邈華原人以藥餌名

世縣故屬華原明正德間邑人孫杲始建廟今遍村堡矣亦

皆以功德祀

洞內神座左偏有泉一罅以輒泉口如盃探手即得犬旱不竭土人禱取治疾輒效毋敢褻焉

后土廟在縣北北吳村其蓋村勾龍村廟曰勾龍按共工氏子勾龍爲后土能平九州故祀以配社后土土官之名猶后稷也今隨在皆肖女像

眞武廟以數十計在萬斛山者諺曰鐵瓦殿蓋祀元冥水神今披髮仗劍謂爲靜樂國王太子

高禰祠在金粟山巔蓋祀先禰變禰爲媒神之也今隨在曰聖母曰元君皆爲時世妝山有古高禰祠故俗稱菩薩山馬神廟最多在華翔門內者乾隆間都司許宗奕道光初干

總徐天桂重修祀天駟也今冠冕而王之矣

華陽廟在中華原之陽亦祀土神世傳始皇起王翦命伐楚以華陽公主降之迎婚於此故廟祀公主皆當祀而所祀者非也

西嶽廟在連城東南隅與縣城中隔數武地高過之同治初以有礙城守撤其半按會典爲華陰縣專祭第山在陝境祀之尙宜

東嶽廟在縣東門外故有土基二槐絜十餘圍傳爲古洗馬臺明萬曆間建廟其上厯次重修

五嶽廟在莊裏鎮其獅石乃華原磬材也叩之極清越

宣平縣志稿卷二
太白廟在金甕山巔林木特茂亦祀不當其山明萬曆間流
曲人禱雨於山而應又於鎮建廟

顯聖廟在覓子鎮薛家鎮荆家村沒子村者最著祀春秋時
伍員按會典神爲錢塘江神祭於錢塘縣

宋岳忠武廟在城內南街之東故有像附城隍廟道光十五
年知縣謝長清創建

寺觀

靈薦寺在縣北十二里強村爲北周成陵薦靈地明嘉靖間

重修有孫恭介公記云

有爲佛祖之言者翠峯來之浮山之
下居焉憫蘭若棟宇之日圯慨禪堂

花木之歲深思肯構之以張大其佛燈乃北募陵宮南緣澤
水一時諸大夫信其說者若福將咫尺可得然于羣心傾羣

材集羣舍煥然若佛氏在也夫今之信佛者有三福田利海
不曰天之培也曰佛救苦濟難不曰天之篤也曰佛輪迴牛
死不曰行法俟命曰佛而其徒又相與鼓扇之冀其言之信
于天下後世是故驅子弟以爲佛徒舍屋宇以爲佛舍彼其
心誠有所願欲耳顧佛氏見豈果世好趨向而已耶載稽楞
嚴以眞空爲西方教準極廣錄以慧定爲西方教次序起信
論以眞如門生滅門爲西方教頭腦則佛心得爲西方淨土
佛名得爲西方聖庸詎以福禍輪迴恐人慕與奈之何學
佛者遂離宗旨若此遠烏爲也夫佛本西方士也不安于夷
而之中夏其心必將曰中國有聖人出焉吾可以印吾心矣
使孔子生其時人其人語其語則眞如生滅將近于克已復
禮慧定將近于誠明眞空將近于未發佛且于七十子爭淺
深而孔子之道得佛益昭如日星卽使不得孔子以爲依歸
人之向佛者皆以佛之心爲心讀廣錄也可不妄迎于利浪
讀起信也可以靜定于心讀楞嚴也可以兩忘于較計豈不
爲無然畔援無然欣羨一良民哉乃舍心不師而取其利已
之迹師之惑矣故向佛之迹者皆佛之心者也翠峯效法佛
宗者也今且爲佛氏成若字舍矣顧其心將取佛氏心而師
與抑取佛氏迹而歸與將取佛初祖東來心而由是以漸進
聖域與此鄙人所不忍舍于高僧氏者故因其記而欲辨志

于早且推佛之心以告天下後世之談佛者正殿計五楹始工于嘉靖丙寅落成于隆慶丁卯若翠峯則爲邑人呂勤子

慧山僧也

依山寺在邑山有目蓮和尚塔明永壽王碑謂唐至德七年

和尚做孟蘭會於此耀州喬因阜有重修記云

有爲佛氏之徒者意順間

日謁余而言曰意順富平依山寺僧也寺負清涼山之半左右皆山環之如抱山在富平縣北故土人但稱北山寺云相傳創自唐至德重修于天祿間然無可考嘉靖十三年寺僧無相者始修葺殿宇以銅寫佛像無相好持法華經因板刻法華經傳之又以石爲池貯水其中號天池記之碑意順於萬曆二十三年偕善士楊天賜楊伯衢捐貲創建天王殿及福寶所修善陞殿先後銅像悉塗以金卽不當崇構莊嚴亦庶幾堅固可多歷年所矣又爲余好讀佛氏書與佛氏徒遊乃請爲記其歲月余惟懶慢久未報乃意順數往還請益堅余嘉其意切慤能爲其佛氏如此遂草具其事歸之余感意順之請而竊嘆今之爲孔子之徒者今天下郡縣孔子之宮一區而佛寺常數十區卽小亦不減五七區佛寺非不有

傾敝但其徒卽有如意順者皆能以其力捐捐然修營之終
不至荒棄淪沒是遵何德哉而孔子之宮則所在半傾圮上
漏下淫或不能序俎豆之禮否則湫隘簡陋僅條規模孔子
之徒能以其力修營之未多見也顧不如僧之爲其佛氏也
余蓋甚惑焉至於有司居是邦者亦孔子之徒也有官位權
力可以經營建樹亦復傳舍視之則其傾圮也湫隘簡陋也
烏足怪若然者天下之佛寺數萬區多極土木之美不須官
府教令而保千百年亦不廢至於無額勅而山臺野色且日
增不止孔子之宮不當佛寺之一又國家之所敦崇嚴祀者
而乃荒廢如此能不愧於佛氏之徒耶夫誦法孔子者皆知
闢佛氏誠亦能使孔子之宮悉如佛寺完美有傾圮簡陋者
各以其力修營極壯麗之觀於千百年此甫與佛氏之徒等
耳亦未足爲孔子重而今且未能也奈何哉以闢佛氏之徒
也余是以深有感於意順之講也嗟乎世道哉世道哉萬曆
歲戊戌月癸亥日乙卯記

記者誰耀州喬因阜也

大雲寺在薛家鎮唐貞觀中創建

國朝雍正初重修

寶峰寺在月窟山上寺前臨崖建樓其半外出架以木俯視
窈如咸豐間有郭姓僧登樓見雲氣彌漫謂其徒曰迎我也
騰身下徒急覓之膚裂骨折悔無及矣

靈泉寺一在美原北龍門村有唐徐元凱題神泉詩篆碑末
署垂拱四年一在縣東平觀村金大定間建

靈感寺在縣西三里今日聖佛寺唐元和中建中初二年都
統王鐸將兩川興元軍屯靈感寺卽此金大定間重修彼教
謂其塔爲釋迦如來第十六所眞身舍利寶塔

福昌寺在昌甯村唐會昌中創建歷元明

國朝皆重修

善慶寺在流曲鎮亦唐刹也重修有邑孫恭介公記云粵若稽古

有唐偏尚佛教即京兆地多所寺宇余里善慶寺其一云是

寺廢陋久三佛之丈六金身僅存遺像萬曆己丑里人好天

者發緣繕修之迄辛卯業肖像飾金蓋諺云最勝事也夫世

之像金者非以佛可尊耶尊佛者非以教可崇耶余與里人

論佛教亦不能不三嘆夫佛在西域彼所謂大覺金仙也專

尚慈悲黜嗜欲戒殘殺真行而好修以入中國人亦不厭推

尊好事者至援儒入佛共老氏為三教迄今宇中林林不滅

非徒尊其正果之談已也蓋佛持本來慈悲一念喇喇然專

以福人利物為主其說與天之好生人之不忍多所管契如

是而佛教取長何得盡誓余掌邦禁尚怪舞文者尚刻畫疎

虞者襲成案且不知慈悲為何物矧曰好生不忍焉茲令佛

見之不將為罪人乎哉余願與里中約曰事竣之後互相勉

勵期為善人散孝弟崇廉讓返醢還古服儉習勤毋恣欲以

美豈真自求多福即古昔盛時不爭相助之風庶幾臻矣否
則屑屑焉日崇福祝匍匐而尊禮之日一至而請曰我金佛
何以庇我月一至而請曰我金佛何以庇我無
論詭於聖道即佛氏有知必麾而遠之焉能享

盤龍寺在縣西盤龍灣唐刹金重修明邑孝廉劉士龍讀書

處

國朝邑士董志敬有寺記云

云澗谷之水自袞禡濫觴宛延流

餘不得稱也則亦惟至是而宛延者爲愈甚耳故昔人得以
名寺或曰非也履繩橋者何知緯蕭重淵之珠不有聽經之
叟乎江湖旣封硯池是吸卓錫者杳諱不語怪又何必躬觀
羊髯而始知爲洞穴九仙之館耶非博物之識矣寺旣環三
面受水若巨舟之泊於江殿閣亭軒又莫非飛廬雀室而菰
蒲其涯也鶴鷺其汀也蒼蔚其林也翹然而望則仍在舵樓
之底不必晚飯越中行矣南向洪崖天迴鷺嶺庶幾澄性一
璧乎門孝廉劉氏雨化實然藜于斯孝廉名士龍吾安知不
樂其名之有符於己而卜是精舍者以爲居不然則已非白
蓮之社而擁是牙籤孤爲仲蔚且先是以名其齋爲醉溪者
豈自託於酒人耶人言孝廉著書於盤龍而不知其夔屈於
斯矣雖然修大業者靡計其遭日月在天迴光千古其在
石之側一古槐作龍狀若欲下飲于溪者而數龍子忽來攀

拏其尾雖數百年不得去但
附金縣令徐偉游盤龍寺詩

荷貼

聞風雨之夕吟聲烏鳥耳
青錢楊柳絮綠暗煙深桑柘路舊令之政復何如開閣漸憐
春色去佳人強我試春衫猶記盤龍水似藍往歲寡儔事修
禊此行適俗漫祈鷺居僧重見知無恙社老相逢撥新釀前溪兩急不成歸掛起西窗見春漲

定國寺在縣東十里宋初建曰壽聖寺有宣和七年道信和
尙塔銘石廣尺許背鐫大成四配位像各書贊異哉可以論
世矣

永慶寺在八公埭上宋元祐時建金承安元延祐我

國朝雍正五年皆重修彼教謂勝光高僧說法八龍聽講處有

塔半圯尙斜立邑中丞李宗樞有與江泉同游詩云

驅車登寶剎酌

酒撫華筵紺宇微風動朱光大地懸金燈明
六世法座隱諸天况有同杯客何妨醉不眠

宣平縣志卷二
鐵佛寺在縣西三十五里有金大定間鑄像高二丈餘

法源寺在美原鎮創建未詳內有塔數級

永仙觀在美原東門外唐時田真人縣田村人湮其名居此
修煉曉服食變化術世謂拔宅上昇有唐蕭森集右軍書碑
今燬作數段

抱一觀未詳所在孫志元志達失其姓學長生術遇正陽授
秘訣歲期頤如少年人觀乃修真所也

長春觀在莊裏鎮西明邑人邱長清者張三丰之授受徒也
初隨三丰修煉武當山中累詔拜監察御史太常卿不受後
歸隱於此觀內有隕星石

聖母廟在縣西南八里梅家莊有古柏身週約七圍根下舊有靈泉禱雨輒應後因丐婦洗汚泉竭

顯慶寺在西南十五里

普甯寺在縣北三十里

普淨寺在縣東北四十里

玉泉寺在縣東北二里

臥龍寺在縣南五里

元靈寺在縣西北三十里

清涼寺在縣東二里

瑞蓮寺在縣東一里

鷗波寺在縣東一里

雁塔寺在縣西三里

荆山寺在縣西南十五里

溫泉寺在縣西十里

平觀寺在縣東六里

西淡村寺在縣西二十里

華善寺在縣東北五十里

安頭菴在縣東二十五里有柳公權碑今沒

玉清宮在縣東

樓雲觀在縣西北三十里

玉宸觀在縣北六十里

全真觀在美原韓家村

槐樹菴在美原韓家村

孫真人祠在美原韓家村

太元洞在縣北一里

老君菴在美原

石門廟在縣東上官村廡貌甚古碑跡模糊創建無攷

陵墓

西魏文帝永陵在縣東三十里中華原誤爲孝文帝而時祀者也朱檢討廷璟有魏陵辯甚確鑿

辯云富平縣治東南三十里有陵穹然正南高

三丈許上平坦其廣袤如殿址狀明洪武以來諸帝嗣位則
 遣使祀之祝文皆勒石其上邑有時祭又南則翁仲對峙土
 人言有華表石獸被耕者湮沒志稱為元魏孝文帝陵其葬
 於陵東者曰帝妹延昌公主也自此東北塚壘相望皆不
 可攷按魏初複姓拓拔氏世都平城高祖宏為其祖母馮太
 后建陵方山而自起石室於傍後遷洛陽更姓元氏又表瀍
 西以為葬所在位三十五年南征道殂諡曰孝文涑水通鑑
 亦云葬於瀍西是為長陵而方山虛宮人稱萬年堂云及高
 歡入洛孝武西幸遇酖告終宇文泰奉太宰南陽王寶炬而
 立之高祖孝文帝之孫京兆王愉之子也實為西魏文帝在
 位十七年諡曰文與后乙弗氏郁久閭氏合葬永陵北史既
 不言其地而一統志則二陵皆失於記載今直以此陵為孝
 文陵則非也攷明初立廟京師祀歷代帝王後又區別有祀
 於廟者有祀於陵者今祀版所著始自洪武其稱號削高祖
 而止曰孝文意時方草創二文相濶有司漫然應詔禮臣不
 加詳攷洵致因循况其祝詞與文帝始終無一符者庸可汶
 乎一統志成於景泰天順兩朝儒臣欲速缺略匪一若以孝
 文稽古好賢孝文名達合於祀典則長陵之兆自有瀍西封
 人識之以為文帝則政在宇文徒擁虛器不以其身為孝武
 從者幾希祀之將何述焉故曰此西魏文帝之永陵而非高

祖孝文帝之長陵也或曰陪葬者誰也曰史稱高祖六弟其
妹無聞文帝有妹平原公主明月則成於帝未卽位之前矣
觀文帝山陵初畢手書定配饗之后若有陪葬之妹豈容沒
沒且以平原之行甯不媿永陵松檟耶蓋文帝卽位太子欽
立三年而廢恭帝廓立又三年而禪皆不良死易世之際禮
文缺略草草而殯或其一也其非公主又明甚余夙知其謬
守官長安時欲請釐正以爲非分內事而止適辛卯夏月孟
津王文安公有告祭之行力爲言之公亦首肯後未復命而
捐館今秋與友人劉滙澤登眺徘徊道其所以或曰其來舊
矣非若祖則厥孫子媿媿言之將與神校是非耶余恍然而
笑曰子言良是然祀國之
大事也吾終不可以不辯

北周文帝成陵賈志在富平縣鳳凰山南宋太祖初建廟於
陵前趙孚碑記其事宋敏求長安志在縣西北一十三里周
書文帝本紀太祖文皇帝魏恭帝三年冬十月甲申葬於成
陵周書皇后列傳文帝元皇后魏恭帝三年十二月合葬成

陵文帝叱奴皇后建德二年四月丁巳葬永固陵按叱奴氏
永固陵雖史有其文而志無其地要在縣治之左右今已無
攷姑附於此

唐中宗定陵賈志在富平縣龍泉山唐書睿宗本紀景雲元
年十一月己酉葬孝和皇帝於定陵文獻通考定陵在京兆
富平縣界元和志在縣西北十五里龍泉山宋敏求長安志
在縣西北周文鄉郭門村封內四十里下宮去陵五里陪葬
太子一節敏太子重俊公主五宜成長寧成安定安王同駿
永壽韋鐵

按河南府志唐中宗陵在偃師縣治東非

代宗元陵宋敏求長安志在富平縣西北三十里檀山永閨鄉管村封內四十里下宮去陵五里唐書德宗本紀大歷十四年十月己酉葬睿文孝武皇帝於元陵令狐暉傳德宗立詔元陵務極優厚當竭帑藏奉度用暉諫曰臣伏讀漢劉向論山陵之戒良史咨歆何者聖賢勤儉不作無益舜葬蒼梧弗變其肆禹葬會稽不改其列周武葬畢陌無坵壠處漢文葬霸陵不起山墳禹非不忠啟非不順周公非不悌景帝非不孝其奉君親皆以儉穀爲無窮計宋文公厚葬春秋書華元爲不臣桓魋爲石槨夫子以爲不如速朽由是觀之有德者葬薄無德者葬厚章章可見陛下仁孝切於聖心然尊親

之義貴合於禮先帝遺詔送終之制一用儉約不得以金銀緣飾陛下奉先志無違物若務優厚是拂顧命蓋經詎臣竊懼之今赦令甫下諸條未出望速詔有司從遺制便詔答曰朕頃議山陵荒哀攸謬以違先旨卿引據典禮非惟中朕之失亦使朕不遺君親於患敢不聞義而從奉以終始雖古遺直何以加焉文獻通考元陵在京兆富平縣界

順宗豐陵馬志在富平縣東北三十里金甕山唐書憲宗本紀元和元年七月壬寅葬至德大聖大安孝皇帝於豐陵后妃列傳莊憲皇后王氏生憲宗元和十年崩葬豐陵文獻通考豐陵在京兆富平縣界宋敏求長安志在金甕山通關鄉

修善義周公孫三村封內四十里下宮去陵五里

文宗章陵賈志在富平縣天浮山唐書武宗本紀開成五年八月壬戌葬元聖昭獻孝皇帝於章陵文獻通考章陵在京兆府富平縣界宋敏求長安志在縣西北二十里天乳山永閨鄉洪波村封內四十五里下宮去陵三里陪葬楊賢妃

懿宗簡陵賈志在富平縣虎頭山唐書僖宗本紀乾符元年二月甲午葬昭聖恭惠孝皇帝於簡陵文獻通考簡陵在京兆府富平縣界宋敏求長安志在縣西北四十里紫金山會善永閨兩鄉范村封內四十里下宮去陵七里

右陵俱於乾隆十四年奉文招募陵戶築牆防護

富平縣志卷二
周尹子奇墓在縣南十里

秦王將軍翦墓賈志在富平縣東四十里旁列六冢相傳爲六國圖書關中陵墓志每六月朔望墓若海市狀舊志翦墓左六冢相傳爲六國圖書每歲二月八月鄉人望其墓若海市狀城郭依然車馬交錯其上豈其地氣使然歟

唐彭王元則墓賈志在富平縣呂村原舊志在縣南三十里襄邑王神符墓賈志在彭王元則墓左

按唐書列傳元則神符俱陪葬獻陵而獻陵卽與富平南界相接故二墓獨在縣界內也

魏氏墓在縣北三十里西魏鎮

按賈志縣志俱云徵祖墓攷唐書本傳徵魏州曲城人關中既非祖籍其祖墓不應在秦不知賈志何據而云徵祖墓也

贈戶部尙書符令奇墓賈志在富平縣薄臺川其子輔國將軍璘從葬

李太尉光弼墓馮志在富平縣西北三十里其弟光進墓亦近焉舊志縣西北窻子店有光弼墓墓碑神道碑皆顏真卿書旁卽太尉祠祠旁卽光進墓右符李二墓並於乾隆十四年招募墓戶築牆防護

宋路宰相塋在蘇宅北十五里翁仲甚古塋旁路姓族甚巨

宰相畫像現存子孫莫能名也

按史稱宋吏部尙書路允迪籍富平意卽其人歟

金陝西行省蓋諒墓在縣北三十里北吳邨

陝西行省李興墓在縣北毛吳村

烏古論速可墓在縣東三十里道賢鎮北知縣李世垣有記

元王侍郎丙墓在縣西北三十里莊里鎮墓碑石柱無恙

劉知府尙墓賈志在富平縣西北莊里鎮

劉知州允中墓賈志在富平縣西魏村

張郎中敏墓賈志在富平縣美原鎮北

明張尙書統墓馮志在富平縣東三十里賈志在其父敏墓

南三里舊志有楊爵撰墓碑

楊忠介爵墓賈志在富平縣東北獨戶村馮志在縣東北四十里爵御史贈光祿寺少卿諡忠介舊志吏部尙書胡松碑其墓曰關西夫子楊伯修練國事撰神道碑云神道一碑缺然道左余忝大吏何惜此寒山片石乎

右二墓俱於乾隆十四年奉文防護墓外餘田無多後裔耕種築牆看守

李叅議恕墓賈志在富平縣流曲堡東李村子中丞宗樞墓
東

梁府尹甫墓賈志在縣流曲堡北

孫恭介丕揚墓賈志在縣流曲堡北王圖撰神道碑

朱中丞國棟墓賈志在縣西北

周郎中文煥墓在縣西良村

五女塚附在縣東北世傳洪武中五女遇紅巾賊皆自殺有

司奏聞勅命築塚旌之

梁孝子悅墓在流曲鎮西梁村墓前爲祠鑄韓文公復仇議

右伏奉今月五日敕復讐據禮經則義不同天徵法令則殺人者死禮法二事皆王教之端有此異同必資論辨宜令都省集議聞奏者朝議郎行尚書職方員外郎上騎都尉韓愈議曰伏以子復父讐見於春秋見於禮記又見周官又見諸子史不可勝數未有非而罪之者也最宜詳於律而律無其條非闕文也蓋以爲不許復讐則傷孝子之心而乖先王之訓許復讐則人將倚法專殺無以禁止其端矣夫律雖本於聖人然執而行之者有司也經之所明者制有司者也丁寧

其義於經而深沒其文於律者其意將使法吏一斷於法而
經術之士得引經而議也周官曰凡殺人而義者令勿讐讐
之則死義宜也明殺人而不得其宜者子得復讐也此百姓
之相讐者也公羊傳曰父不受誅子復讐可也不受誅者罪
不當誅也誅者上施於下之辭非百姓之相殺者也又周官
曰凡報仇讐者書於士殺之無罪言將復讐必先言於官則
無罪也今陛下垂意典章思立定制惜有司之守憐孝子之
心示不自專訪議羣下臣愚以爲復讐之名雖同而其事各
異或百姓相讐如周官所稱可議於今者或爲官所誅如公
羊所稱不可行於今者又周官所稱將復讐先告於士則無
罪者若孤稚羸弱抱微志而伺敵人之便恐不能自言於官
未可以爲斷於今也然則殺之與赦不可一例宜定其制曰
凡有復父讐者事發具其事申尙書省尙書省
集議奏聞酌其宜而處之則經律無失其指矣

本朝孫總兵一鷗墓在縣西五里賈志云

賜祭葬

趙中丞兆麟墓在竇村東南

富平縣志卷二
袁中丞廓宇墓在縣城西

陳僉事有虞墓在竇村東

石叅政在閻子叅政天樞墓在美原西

李太史因篤墓在明月山下

朱知縣久括墓在美原中城南門外

江邑侯開墓在治城北門外百餘步北壇側

疑塚附

唐賈主簿島墓賈志在富平縣大賈村墓碑柳公權書

按唐蘇絳撰賈島墓銘云君謫授長江主簿以會昌癸亥
終於官舍以明年擇安岳縣移風鄉南岡鑑戒錄島終於

簿署墓在岳陽山上岳陽普州地名也又李頻詩一官終
遐徼千山隔遠墳李洞詩旅葬新墳小歸魂故國遙曾松
詩遠葬離燕骨難招入劍魂皆憫其遠葬於蜀則烏墓之
在富平者可疑矣

迷塚

附

漢司馬欣墓元和志在縣西二十五里章邯長史降項羽封
爲塞王

北周孝閔帝靖陵北史周本紀武帝誅護後詔上諡曰孝閔
皇帝陵曰靖陵

明帝昭陵周書明帝本紀世宗明皇帝武成二年詔曰葬日

富平縣志卷二
選擇不毛之地因勢爲墳勿封勿樹且厚葬傷生聖人所誠
朕旣服膺聖人之教安敢違之崩葬於昭陵

明敬皇后獨孤氏北史后妃列傳二年四月崩葬昭陵明帝
崩與后合葬焉

武帝孝陵周書武帝本紀高祖武皇帝宣政元年崩遺詔曰
朕居處每存菲薄喪事費用須使儉而合禮墓而不墳自古
通典隨吉卽葬葬訖公除己未葬於孝陵

武帝阿史那皇后北史后妃列傳隋開皇二年殂隋文帝詔
有司備禮祔葬於孝陵武帝李皇后隋開皇元年出俗爲尼
八年殂以尼禮葬於京城南

宣帝定陵周書宣帝本紀宣皇帝大象二年秋七月丙申葬定陵

宣帝楊皇后北史后妃列傳隋大業五年殂煬帝詔有司備禮祔葬於定陵宣帝米皇后隋開皇元年出俗爲尼六年殂以尼禮葬於京城西

周後主恭陵北史周本紀大定元年二月遜位於隋奉爲介國公開皇元年五月殂謚爲孝靖皇帝葬恭陵

拓拔太保儉慕庾信撰神道碑云儉恆州高陸人天和四年薨詔贈太保遺令止依太祖陵側無忘事君塚等兄弟並遵遺訓

富平縣志卷二
唐李蘄公楷洛墓楊炎撰神道碑云楷洛封蘄郡開國公薨於靈州師次明年詔葬於富平檀山原元子太尉光弼乾元中以東諸侯三會於河再以駮髻濟於淮海天子以府君積流仁慶追考功績發於簡書炎掌史之官也奉命爲詞按代宗陵在縣西北三十五里檀山光弼墓卽在縣西北三十里是亦檀山原也其父楷洛未知同塋否而諸志止載光弼兄弟墓則楷洛墓迷矣

橋梁

東濟橋豐泉所經與縣東門值詳邑中丞趙兆麟記云

富平城郭

高壘環水形勝甲於三輔東郭附近有小河焉城南豐泉水遇澇則溢其水皆注於小河統歸蒲水而東流雖名小河雨

暴橫流則洄浪澎湃湍悍甚猛南路豎有石梁狹小卑矮不
當東郭之正衢北路舊有木梁通水濟涉奈歲時滲漏沓朽
最煩修補邑紳士及寶村居民每議大建石橋而轂綰津要
工鉅費繁故謀治輒輟銓部闇然周公乃與奉政封翁蒲源
公籌曰邑北門外李鴻臚公輸金創通濟橋邑侯劉公兌引
懷德渠支水從橋上南注遠城爲玉帶渠灌東郭田若干頃
今於此建橋卽同通濟引玉帶渠餘水永從橋上東注則寶
村東北半臂直抵焦村可成水田其利溥哉遂捐俸市石備
力鳩工捐俸不足繼以募緣蒲源公首董厥事明萬曆四十
八年庚申起天啟元年辛酉橋成渠水業已攸往橋東悉爲
沃壤然橋上石欄兩岸長堤尙未竣也二年壬戌六月暴雨
小河泛漲水高橋表崩其兩道祇存中道巉然孤立涉旣未
便利亦弗獲至天啟四年甲子蒲源公謀之邑侯孫公如蘭
又會眾鳩工運石重修周公喬梓輸貲襄助不遺餘力邑侯
孫公亦捐俸勸輸且佐以贖鍰分守道史公文煥西安府陳
公應元司李史公莖高陵令趙公天錫等各捐俸百金共成
盛事總理仍蒲源公而督工監修則唐光熾陳以道唐大湖
唐一文張茂顯等朝夕勤苦靡有倦焉起于甲子孟冬竣于
丙寅季夏橋成請名于邑侯孫公利涉事小引水功巨悠悠
長渠東方溥被且也北門東郭兩虹爲翼邑城壯觀百代瞻

仰矣題之曰東濟橋自昔迄今三十年間其治浪澎湃悍
雖猛者時或見之夫何損於萬一耶橋旣成閤然周公迺于
橋之南北鑿池值蓮紅葉綠蓋掩映上下竟成一時之勝觀
次年夏南池一莖雙花瑞蓮應報咸謂公之德所感焉于是
因其佳兆遂于橋之南創建瑞蓮禪寺其寺草創未就不意
閤然公于天啟七年丁卯七月七日捐館不數年蒲源公亦
辭世橋工雖竣寺願未酬蒲源喬梓含喟九原至順治歲在
丙戌丁亥間閤然公季子有棐復施財力廣募善緣增置廓
舍塑象裝金巍然成刹畢乃祖父之遺志焉兆麟於閤然公
爲門下士知公之德最詳識公之功最稔故敢備述其始末
鑿碑垂久昭示後世惟願後之君子乾隆時知縣陳松重捐
觀物思公更畱心于橋之有缺損者
修

竇村橋在東濟南又名一眼橋高祿祠前在縣東十里

通濟橋在縣北門外明萬曆初邑鴻臚李盡心建一名李公
橋知縣劉兌鑿石槽引懷德渠水者

中橋由懷德渠沂而上之明末邑人王可大倡捐知縣崔允
升成之

溫泉橋距城八里餘

白家橋在溫泉橋北跨薄臺河

平觀橋距豐泉所經東濟橋八里康熙時邑大令孟孔脈建
南陽橋距平觀三里與東濟皆徒杠而工鉅

十丈橋在澗頭溝諺名宮裏橋邑大令田若琬有記云聞之詩曰

造舟爲梁言匪此無以通往來也記曰十月爲梁言治必從
時而民不病涉也大抵舟宜于河不宜于壑木簡而弗固石
堅而歷久或令之自上或作之自下其爲利濟一也晉杜預
啟建河橋于富平津眾論以爲不可預爭之橋遂成君臣臨
會眾咸稱善以國家舉事而始作不易落成可樂且如此卽
民間興作可知矣富治西北二十餘里有巨壑焉曰澗頭溝

雖非四達九達之區而東抵蒲城西抵華原亦一通衢也澗
深且闊車不可行其徒者盤折上下倏仰倏俯而陰雨雪泥
尤歎行路之難予每過私計安得陽羨之似長虹南渡之法
牽牛俾險阻化康莊乎辛未歲鄉耆數人向余言以修橋爲
己任余力爲捐資然亦不敢知其必成也嗣余宦遊粵東凡
幾歲有客自故鄉來免余撰橋名而記之問所費曰數千金
問所從來曰問有得于遠方好善者而左右數十里中居人
之力爲多問其功程遠近曰經營十餘年築作二年始竣事
問其制之大小曰以石爲之實以土高深數十丈長十餘丈
關可並輿行予喜曰舉成數而質言之可名十丈橋夫邑素
醇樸率耕讀爲業無素封大賈而出私錢成茲梁快事也蓋
地距豐鎬不遠沐文武周公之化最深歷千百世懷先德服
先型久而不衰其好善尙義之遺風猶有存焉者況際盛世
休息生養歷年既久日聆月誨諄諄訓誡浹洽人心比閭同
風以故好行其德聿觀厥成如是也是役也儒醫顧芳譽耆
德高君詔同余外舅文學王成一公簡在實首其事皆可紀
也余旣喜其德惠所及爲甚溥又以見天下事雖
甚難爲苟有志者皆可克底于有成也于是乎記

定國橋距南陽三里許

庵頭橋距定國五里

盤龍橋縣西二十里

支玉橋在薛鎮北十里順陽渠上

興利橋

興濟橋

澤民橋三橋皆在莊里鎮北跨文昌渠上

魏公橋在西魏村溝唐魏鄭公所創

袁司馬橋在縣西十里康熙時邑中丞袁廓宇建跨溫水上

順陽橋邑北十里跨順陽河

五眼橋在縣西北嘉慶二十二年邑紳劉玉琦倡脩孝廉紀

翰華重修有碑記

金城堡北橋在縣西里許

定國寺橋在縣東十里

趙家灣北溝橋在縣北七十里

舊縣橋在舊縣故城西南

以上各橋皆跨溫水或溝渠處也至漆沮一水縈洄境內支分派別石多水急旱則褰裳而涉陰雨一日則怒濤噴激迴波倒瀾縱錮以鐵石摧頽立見故石川絕少津梁惟隆冬病涉居民恆於水淺處搭木爲浮梁以濟行旅或擇半涸處堆石步焉

同善橋在流曲南門外順陽渠水所經今有橋無渠

蒼龍橋一名土橋又名三條溝在山底丑家堡之南係蒲耀
大道不詳其所自始惟第一橋咸豐初年溫秉珍谷玉蘭等
重修

愛女橋在蒼龍北

鄉甲砦堡

吳志載邑共九十九聯共一千一百三十八村堡近又加一
百餘聯村堡廢燬其有基址尚存僅三百一十餘堡狃逆髮
逆蹂躪以後其完固者百不存一同治四年疊經巡撫劉蓉
飭諭以堅壁清野秦中各屬興築堡寨省垣亦設局並委大

員督率以專責成所有紳董調資督修亦各優請獎勵於同

治八年始各告成

南關鎮 與縣城連城堡相連東南西三面三百一十丈城根寬三丈上寬七尺池深寬各二丈時常有水高三丈

六尺雉堞三百個礮台四座城一百三十八株

金城堡 坐縣西與南關鎮連城堡均相連接週圍二百一十丈城高二丈南關鎮東靠連城堡西築城根寬一丈六尺上均寬四尺池深一丈二尺寬一丈雉堞二百個礮台八座東門一道

東劉堡 坐落東北鄉距城七十里週圍二百丈城高二丈八尺坐落城根寬一丈八尺上寬六尺池深一丈三尺寬一丈二尺雉堞一百九十九

西陵裡寨 坐落北鄉距城三十五里週圍一百七十丈城高三丈二尺城根寬一丈八尺上寬五尺池深寬各

一丈三尺礮台四座北兩門雉堞一百七十一個兩門搭有弔橋

一丈三尺礮台四座北兩門搭有弔橋

一丈三尺礮台四座北兩門搭有弔橋

南社寨

坐落西鄉距城十里週圍三百八十丈高二丈五尺頂寬八尺根寬二丈城上外有磚垛牆五尺高連城

共三丈上有更房五座四角礮台上各樓房一座一丈二尺一間三面甬有鎗眼東北礮台身周用磚砌上用石平城外

間護身一丈壕二丈五尺深二丈五尺寬週圍寬狹相同四角礮台與城齊各見方二丈南城門兩層樓房一座東西闊

二丈七尺南北深二丈六尺磚捲門洞鐵葉包門又前關門一道兩邊俱有圍牆甬有鎗眼三十個

十八坊寨

坐落西北鄉距城四十里舊址並新築城週圍三

一丈五尺寬一丈五尺雉堞三百御西南北三道城門均搭吊橋

連城堡寨

與縣城南關相連東南兩面與金城堡西面相連北面靠河週圍皆斬城圍圓二百九十丈高四丈

二尺上寬六尺礮台二個雉堞二百六十個西門寔封東北兩門行人

底店惠郭堡

坐落東北鄉距城六十里週圍三百五十九丈城高三丈二尺城根寬一丈二尺雉堞二百九十

四個池深一丈寬一丈五尺上寬八尺南北兩道門礮台四座

昌凝堡寨

坐落東北鄉距城三十五里週圍一百零四丈城高二丈八尺城根寬一丈八尺上寬七尺雉堞一

百個高六尺礮台三座池深一丈五尺寬一丈南門一道

嘴頭寨

坐落東鄉距城十里週圍三百六十丈城高二丈城根寬一丈七尺頂寬七尺東西北俱係深崖約五丈

餘南面緊靠普田渠口深八丈礮台四座東西門外大坡南門有吊橋

科子頭師堡寨

坐落西鄉距城十里週圍一百八十五丈城高三丈一尺城根寬二丈頂寬五尺深一丈

二尺礮台三座南門一道更房六座

西劉堡

坐落東北鄉距城七十里週圍二百八十八丈城高三丈二尺根寬二丈二尺上寬七尺池深一丈七尺寬

一丈五尺雉堞二百五十個礮台五座東門兩道西門一道

莊裡鎮

坐落西北鄉距城二十五里城週圍八百丈城高三丈二尺城根寬三丈上寬一丈均用石板砌面雉堞

五百三十個礮台十座更房附內外有更房兩池寬深各一丈

通關李堡寨

坐落北鄉距城四十里週圍一百八丈城連

百一十個礮台四座池深二丈寬二丈五尺南門一道

薛家鎮寨

坐落東北鄉距城六十里週圍一百九十丈城高三丈五尺根寬三丈上寬五尺雉堞一百二十個

礮台九座東西南三道城門池深二丈寬一丈四尺

美原鎮西關寨

坐落東北鄉距城六十里週圍三百六十丈城高二丈四尺堞高五尺共記雉堞四百個

城根寬二丈四尺上寬八尺池深寬各一丈礮台十二座更房十三座東西兩門

丈八村寨

坐落東北鄉距城三十里週圍一百六十六丈高三丈六尺西北崖東南城根寬二丈二尺上寬七

尺礮台四座雉堞一百六十個北門一道池深一丈八尺寬一丈五尺

金勾寨

坐落東北鄉距城四十里週圍一百八丈四面靠崖城高五丈二尺城根寬二丈六尺上寬七尺北門

大坡礮台四座

壽楊堡

坐落西北鄉距城三十五里城週圍一百五十二丈城高二丈五尺斬城雉堞三百個南北兩門

雷村南堡

坐落北鄉距城三十五里城週圍二百丈城高三丈根寬二丈五尺上寬一丈雉堞一百六十個池

深一丈寬一丈五尺礮台六座南北兩道門

北索村

坐落西北鄉距城二十五里城週圍一百九十二丈高二丈八尺根寬一丈二尺上寬三尺雉堞八十個池

深一丈寬九尺南北兩門

永清堡

坐落西北鄉距城五十里城週圍一百一十五丈城高三丈根寬八尺上寬四尺池深五尺寬六尺雉堞

一百二十個東北兩門礮台兩座

安和堡

即白家後堡坐落西北鄉距城四十里舊址並添修堞牆週圍七十五丈城高二丈五尺根寬一丈五尺

雉堞一百零三個池深二丈寬一丈南門一道

上官村

坐落西北鄉距城三十里城週圍四百餘丈根寬二丈頂寬六尺高連雉堞三丈雉堞三百二十個池深

一丈五尺寬一丈八尺礮台四座

南党堡

坐落東北鄉距城八十里城週圍二百六十丈高三丈二尺根寬一丈六尺頂寬七尺雉堞二百二十個

池深一丈四尺寬一丈二尺南門一道

炭村堡

坐落北鄉距城二十五里城週圍二百丈高三丈五尺根寬二丈二尺頂寬一丈池深一丈二尺寬一丈

雉堞二百個礮台四座更房四座南門一道城門外柵子一座

畱古鎮

坐落東鄉距城二十里城週圍二百四十丈高二丈根寬一丈五尺頂寬八尺雉堞一百六十個池寬二丈深三丈東西門兩

道同治九年始建

堡寨局扎行案查前奉巡撫行知准戶部咨開議覆前次本局詳報長安縣修築堡寨請獎一案捐資各生即照同治四年江西巡撫奏廣豐縣士民捐資修堡照捐修城垣章程捐資獎者實職照籌餉例不減成虛銜貢監等項照現行常例不減成分別議敘出力者照軍功請獎業已奉旨允准並令造具用過工料請冊咨道工部查核等

因到局奉此除行長安縣遵辦外合行扎飭扎到該縣查照來文奉准部文內事理刻即迅將功驗工竣堅固可守堡寨捐資出力人員分別開報並將用過工料及收捐錢文照市估合銀造冊先將花名報局以憑核辦其未竣各寨定限三月內一律告竣均毋違

胡家陵懷寨子

在簡陵南三面臨深溝二十餘丈東北一隅築城又兩溝相夾明末流寇一斗粟滿天星

等壘來攻卒無恙狗逆之變近村人逃避寨上者千餘人賊不敢逼同治六年捻匪竄擾寨眾奮擊斃甚眾

陵李溝寨

東北南距地深十五丈惟西有城狗逆初起村人李克信李光培倡為修補舊城一丈五尺加倍增

築堞近四丈保正李振倫赴金鎮營購鎗礮藥丸鄰村避難居此者六千餘人同治二年二月二十六日賊三千眾圍攻

一日村人設法下擊斃賊三十餘人傷者亦數百堡內受傷

七人李克修為鎗所殞賊退僅存火藥三斤李振倫復連夜

走金鎮營都司阿揚阿送火藥八百斤天未明即抵寨四月

初八日賊又至擊斃賊百五十餘傷者數百人寨民蒙遇與

兒為賊

礮擊死

米家高窰

在西入聯嶺南米家溝耆老米玉振李天祥擇耕百餘步之深溝同李永成米連魁等倡築高窰深

三十餘丈內分小窰數十米趙二堡男女家資牲畜容焉窰據懸崖距地四丈距原頂六七丈又與溝南別營一窰相對

各置鎗

礮互守

漫漲村

東

堡小賈村趙堡王古村西堡

守城禦賊俱無恙

仇村石堡

仁里堡上原堡

皆守免難

永甯堡小惠村

同治六年髮逆兩次攻撲防守無恙七年增修

磚礮台二土礮台二首事王自材王錫章張典榮

仁和堡興甯堡

亦同守禦得免

（This section contains several vertical columns of text that are extremely faint and illegible due to fading or bleed-through from the reverse side of the page. The text appears to be organized into columns, typical of a traditional Chinese gazetteer or official record book.)

（This section contains several vertical columns of text, similar to the first section, but also illegible due to fading. The layout suggests a structured list or detailed entries within a larger category.)

（This section contains the final vertical columns of text on the page, which are also illegible due to fading. It likely concludes the entries for this section of the gazetteer.)

富平縣志稿補遺

城池

邑南關鎮舊無城池同治二年遭亂焚燬殆盡知縣孫毓林
勗建商賈賴之光緒十八年知縣焦雲龍重修

治城咸豐二年知縣李煒重修至光緒十八年傾圮尤甚知
縣焦雲龍倡捐重修堦墻鋪石改用寬厚較舊址增高焉並

添設女牆暨柵欄門數處內外嚴固前此未有焉三原復齋

賀瑞麟爲之記

云富平今縣治爲舊窰橋寨明初始建地踞
高阜四面壁削方三里高三丈並池堞五丈

右連城左竇村後溫泉前南湖固形勝之區也然非城莫守
自設縣以來前人修之屢矣壘經寇擾而巍然無虞非得思
患豫防之道哉光緒壬辰春焦侯再權邑篆以前蒞事僅數
月侯方自歉未得爲所欲爲茲慨然以修廢舉墜爲已任越

日閱城見其半就傾圮侯曰是烏可緩適歲大旱麥未登侯
又曰是亦可以代賑也於是集諸紳籌議賢各量輸工皆和
雇女牆梁口悉如制式而人身隱矣石板磚灰悉加鋪砌而
水道通矣城上居民環列遮以欄馬牆則室家可備犬豕可
扞而防禦可嚴潔矣敵樓城房四城門樓升卑堅脆皆嶄然
一新而南關連城亦一律完整則所以爲城之保障屏藩者
無不備也經始三月訖工九月凡工若干石若干磚若干灰
若干既竣諸紳欲立石記事僉曰非吾侯之功不至是而侯
則曰吾何功之有哉皆僚佐紳士之力也是役也不避風日
勤於督率者則有若守城趙君燕昌料理煩劇精於籌畫者
則有若掌院田君兆岐齋長田君培堃盡心勸捐則有若張
利用魏養德筦帳勤敏則有若鍾景禱黨觀漢購料堅美則
有若常懋官紀毓桂任勞任怨始終如一皆僚佐紳士之
力也吾何功之有哉然則諸君固敬恭桑梓者矣諸君才不
用而用之各當其才非侯之能得人乎侯得衆人之善而不
自有其善非侯讓善之心乎夫取諸人以爲善是於人爲善
者也君子之善孰大於是好善優於天下豈獨富平一邑哉
豈獨修城一事哉昔者侯治吾邑嘗以退思補過匾於室又
以求通民情願聞已過揭於楹數蒞大邑皆持此意以行改
過勇則從善必決侯之讓善蓋出於誠然而非姑取一時之

名也今又城美原矣修美原書院矣籌公車費定新生印紅
漆諸生膏火矣其於振興文教尤拳拳焉更思以德化民散
給各鄉村蒙書女學所以正人心端風俗搜刻楊忠介集所
以重忠節崇理學則得人又有其遠且大者而修城讓善且
有兼善之量矣予雖老病固樂爲之記侯名
雲龍字雨田山東長山人三原賀瑞麟謹記

美原中城知縣焦雲龍縣丞吳寶善光緒十八年一併重修

衙署

美原縣丞署光緒十七年署縣丞邱昌泰集資重修

學校

湖山書院膏火脩脯俱菲薄知縣焦雲龍捐廉二百金邑之
紳耆亦樂爲補助約計 緡發商生息爲每年作育人材
之資

美原向有經學蒙學兩館每年由官延師訓課而出息太微
光緒十八年知縣焦雲龍因該鎮去城尙遠寒士艱於擔負
將經學改爲頻陽書院就地籌款營運取息以廣栽培